


大德堂

00779



同治辛未二月

金陵書局開彫

南北宋閒吾鄉學派元豐九先生昌之鄭敷文薛右史賡之敷文之學出於周博士行已接鄉先生之傳右史之學出於胡文定公安國師法雖不同而導原伊雜流派則一故其學類皆通經學古可施於世用永嘉經制之儒所以能綜經義治事之全者諸先生爲之導也敷文之學沒而無傳右史之學傳於其子良齋先生益稽覈攷索以求制作之原甄綜道執究極微眇遂卓然自爲一家其沒也止齋陳先生實傳其學其爲先生行狀有曰公泣事惟謹宅心惟平其燕私坐必危然立必巖然其寡欲信於家推於鄉正直聞世而居無以逾眾入自六經之外歷代史天官地理兵刑農末至於隱書小說靡不搜研采獲尤邃於古封建井田鄉遂司馬之制務通於今止齋之言如此於虜可不謂盛歟自止齋沒而先生之緒絕而弗續元明以來

海詩集序
晦蝕益甚遺書雖流傳未絕儒者幾不能舉其凡目舊學
衰息甚可痛也我

朝勃興文治之盛超邁前古於是姚江黃氏甬上全氏修
定宋元兩朝學案始表章吾鄉學術列爲五派而以先生
及止齋爲永嘉諸儒之宗然先生遺書存於世者自書古
文訓外更無梓本故綴學之士猶不能掣索綜貫以探經
制之精先生之學明而未融此非儒者之不幸歟乾嘉以
來鉅儒輩出而性理經術各守其家法不相段借漢宋之
閒蓋斷斷如也衣言曩在京師與方聞之士論當時門戶
之弊常以爲欲綜漢宋之長而通其區畛者莫如以永嘉
之學嘗欲勾集鄉先哲遺文廣爲傳播以昌厥緒而未逮
也旣而東南大亂承學之士日卽於蕪陋而達官貴人有
以武功起家者遂奮其私臆之論以爲勝朝流寇之禍本

於姚江道咸以來粵匪之亂由於乾嘉之經學鄉曲之士
眩惑其說莫知所適從今相國合肥李公有憂之以爲此
邪說之說而荒蔑之原也思欲刊布儒先遺書以救其敝

衣言

頃官江東賤牘之暇輒以先生遺集爲請相國覽而

善之遂捐奉屬桂鄉亭觀察刊之金陵書局而以其版歸
衣言使浙中學士大夫得讀先生之遺集而世之有志於

永嘉之學者亦有所津逮則相國是舉也實古今學術升
降之樞鐸豈徒吾鄉先哲之幸哉是集宋寶慶間先生從
孫師旦始編定刊行於世明以來印本殆絕今所據以校
刊者錢唐丁大令丙所臧明鈔殘本及朱宗丞學勤所臧
舊鈔本也刊旣成謹述先生學業傳授之略與相國嘉惠
來學之意以詔讀者同治壬申十二月後學瑞安孫衣言

謹序



WENZHOULIBRARY

欽定四庫全書卷一百六十 集部別集類

浪語集三十五卷

兩淮馬裕家藏本

宋薛季宣撰季宣有書古文訓已著錄季宣少師事袁溉傳河南程氏之學晚復與朱子呂祖謙等相往來多所商榷然朱子喜談心性而季宣則兼重事功所見微異其後陳傅良葉適等遞相祖述而永嘉之學遂別為一派蓋周行已開其源而季宣導其流也其歷官所至調輯兵民興除利弊皆灼有成績在講學之家可稱有體有用者矣平生著書甚夥有古文周易古詩說案當作反古詩說書古文訓春秋經解春秋指要論語直解小學諸書自書古文訓以外今多亡佚其中庸大學解及考正握奇經則今尚載於集中蓋季宣學問最為淹雅自六經諸史天官地理兵農樂

添二字

律鄉遂司馬之法以至於隱書小說名物象數之細靡不搜採研貫故其持論明晰考古詳核不必依傍儒先餘緒而立說精確卓然自成一家於詩則頗工七言極踔厲縱橫之致惜其年止四十得壽不永又覃思考證不甚專心於詞翰故遺藁止此然卽所存者觀之其精深閎肆已足陵跨餘子矣其集乃寶慶二年其姪孫知撫州事旦所編次刊行旦所作後序尚存案旦當作師旦而自明以來刻本遂絕藏書家輒轉傳鈔譌脫頗甚謹重爲校正而卷帙則悉仍其舊焉

宋史儒林傳

薛季宣字士龍永嘉人起居舍人徽言之子也徽言卒時季宣始六歲伯父敷文閣待制弼收鞠之從弼宦游及見渡江諸老間中興經理大略喜從老校退卒語得岳韓諸將兵閒事甚悉年十七起從荆南帥辟書寫機宐文字獲事袁溉溉嘗從程頤學盡以其學授之季宣旣得溉學於古封建井田鄉遂司馬法之制靡不研究講畫皆可行於時金兵之未至也武昌令劉錡鎮鄂渚季宣白錡以武昌形勢直淮蔡而兵寡勢弱宐早爲備錡不聽及兵交稍稍資季宣計畫未幾汪澈宣諭荆襄而金兵趨江上詔成閔還師入援季宣又說澈以閔旣得蔡有破竹之勢宐守便宐勿遣而令其乘勝下潁昌道陳汝趨汴都金內顧且驚潰可不戰而屈其兵矣澈不聽時江淮仕者聞金兵且至

皆預遣其帑而繫馬於庭以待季宣獨畱家與民期曰吾家卽汝家卽有急吾與汝偕死民亦自奮縣多盜季宣患之會有伍民之令乃行保伍法五家爲保二保爲甲六甲爲隊因地形便合爲總不以鄉爲限總首副總首領之官族士族富族皆附保蠲其身俾輸財供總之小用諸總必有圃以習射禁捕博雜戲而許以武事角勝負五日更至庭閱之而賞其尤者不幸死者予棺復其家三年鄉置樓盜發伐鼓舉烽瞬息徧百里縣治白鹿磯安樂口皆置戍復請於宣諭司得戰艦十甲三百羅落之守計定訖兵退人心不搖樞密使王炎薦於朝召爲大理寺主簿未至爲書謝炎曰主上天資英特羣臣無將順緝熙之具幸得遭時不能格心正始以建中興之業徒僥倖功利夸言以眩俗雖復中夏猶無益也爲今之計莫若以仁義紀綱爲本

至於用兵請俟十年之後可也時江湖大旱流民北渡江邊吏復奏淮北民多款塞者宰相虞允文白遣季宣行淮西收以實邊季宣爲表廢田相原隰復合肥三十六圩立二十二莊於黃州故治東且以戶授屋以丁授田頒牛及田器穀種各有差廩其家至秋乃止凡爲戶六百八十有五分處合肥黃州間並邊歸正者振業之季宣謂人曰吾非爲今日利也合肥之圩邊有警因以斷柵江保巢湖黃州地直蔡衝諸莊輯則西道有屏蔽矣光州守宋端友招集北歸者止五戶而雜舊戶爲一百七十奏以幸賞季宣按得其實而劾之時端友爲環列附託難撼季宣奏上孝宗怒屬大理治端友以憂死季宣還言於孝宗曰左右之人進言者其情不可不察也託正以行邪僞直以售佞薦進人物會非誦言游揚中傷乃自不意一旦號令雖自中

出而其權已歸私門矣故齊威之霸不在阿卽墨之誅賞而在毀譽者之刑臣觀近政非無阿卽墨之誅賞奈何毀譽之人自若乎帝曰朕方圖之季宣又進言曰日城淮郡以臣所見合肥板幹方立中使督視卒卒成之臣行過郡一夕風雨墮樓五堵溧陽南壁闕而居巢庫陋如故乃聞有靡錢鉅萬而成城四十餘丈者陛下安取此然外事無足道咎根未除臣所深憂左右近侍陰擠正士而陽稱道之陛下儻因貌言而聽之臣恐石顯王鳳鄭注之智中也又言近或以好名棄士大夫夫好名特爲臣子學問之累人主爲社稷計唯恐士不好名誠人人好名畏義何鄉不立帝稱善恨得季宣晚遂進兩官除大理正自是凡奏請論薦皆報可以虞允文諱闕大不樂之居七日出知湖州會戶部以麻付場務錙銖皆分隸經總制諸郡束手無策

季宣言於朝曰自經總制立額州縣鑿空以取贏雖有奉法吏思寬弛而不得騁若復額外征其強半郡調度顧安所出殆復巧取之民民何以勝戶部譙責愈急季宣爭之愈強臺諫交疏助之乃收前令改知常州未上卒年四十四季宣於詩書春秋中庸大學論語皆有訓義藏於家其雜著曰浪語集

薛良齋浪語集目錄

卷之一

賦上

靈芝賦

唐風賦

懷騷賦

春霖賦

感沐賦

感除賦

本生賦

卷之二

賦中

吳墟賦



WENZHOU LIBRARY

鄂墟賦

坊情賦

自釋賦

金龜賦

信鳥賦

鳶賦

胆賦

哀白鵬賦

風賦

卷之三

賦下

種竹賦

大榕賦

鴈蕩山賦

卷之四

詩近體五十七首

誠臺春色四言

春江夕泛二首

俞氏園林

石門漁舍

元夕

月夜郊行

讀書三首寄景望

春秋

山海經

韓文

遊竹陵善權洞二首

都場正月盡未見梅思雪中石門之遊作

梅花

吳江放船至楓橋灣

讀春秋有感

送士昭兄赴南外敦宗院二首

觀天德圖像二首

傷淮帥

袁口回棹有感

白髮

樊口晨泛送程端卿

寒溪堂有待

元夜齊居

讀列女傳

讀骨鯁集

縣民訴事有以禪僧見況者

士昭兄琴室

無眠

武昌射圃

乳鹿

乳猫

芍藥

殊亭

寒會雨

袁口舟行值雨

酴醾雨後

溫州圖書館
WENZHOU LIBRARY

梧花

春霖未霽澍雨大作

書江表志

夏日晝寢

夏口懷舊

寒溪寺拈香時國喪罷宴錫已三歲二首

石榴花

自訟

讀李斯傳

宿低寨遇雨

至信陽宿蕭安撫寨

別元可元亨

縣有父子訟者走以魯人之法聽之喜其改悔

而作

樊岡雨後瀾望皆平蕪綠草無復花矣

卷之五

詩近體七十一首

漁父二首

筠鄉新筍

白菊

丁香花

立春

雪

郊迎趙漕

傳聞北虜請和

梅雨

遊飛霞洞

龍翔寺

酬張縣尉

元夕憶世母

拒霜花

早行

天陰

告歸郡不得請倦于將迎之勞

味爽寒溪送客

二十三日送客寒溪還視邑事食時過節推周
文猶高臥未起惴然嗟羨以詩戲之

夏日江濱

聞黃仲益雲夢辟書報命

讀蕭銑傳

讀九國志悶書

被甲

曾陽回棹

讀三國志

讀史

件落回路得家書是夕有歸夢

三月七日按雲陂莊還宿舊州寺懷松楸作

山舍三首

觀碁

昇仙寺

丙子歲春

江行卽事

雪銷

讀大定書詔

誠臺雪望懷子都五首

和賈簿

忌日雪

大雪

喜雨

春老雨寒醱醱竟爛

讀史

延陵感懷

雪霽和智叔次諸郎曹韻二首

元日

夢回二首

鄉思

寒食二首

感事

鷓鴣

讀邸報二首

九月十日菊

夜間捷音

悶成

春陰

燈花

送鄭景望赴國子丞詩二首并序

卷之六

詩古風四十八首

送鄭景元赴秀州判官詩并序

元夜齊居

春雨

春江小雨

春雨

雨中鶴唳

種蘭

讀東坡和靖節詩

欣木亭詩

早起次叔瞻韻

聞競渡聲

冬至和燠醪釀有華

劉蘭

石盆

止齊和七五兄次淵明止酒詩韻

重陽無菊

九月猶暖梅桂有華

患盜

又和元可二篇

得符速走之官

谿賦

社後卽事

西山野步

陳思王

步抵東坡登舟返石門

溫州府
WENZHOU LIB

邊事方急有中使至雨中出郊候之

春陰會聞懸瓠不守

雪蛆

新作殊亭

又讀陶靖節詩

開渠

瓜期代者不至

代者介至

袁山春望

重陽馬上看菊

浮槎

雪

桃花

春陰三首

讀靖節詩

跋東坡詩案

還返釋言

卷之七

詩七言長篇三十八首

樊口候參政暮歸

聞中司還旆清旦踰樊嶺候之不遇自黃子磯

乘舟而歸

夜憶吳江

過樊山

樊山春望

濟江逆田開府過西陽俞氏家林

聞吳王城中軍成嚴鼓

宿大城寺與寺僧行郡子故城

祈晴車中望安樂宮故址

寒食甚雨中泛東舍溪偶晴遊張公石室三首

周將軍廟觀岳侯石像二首

雨後

連日自退谷路抵袁口

雨後憶龍翔寺

春遊懷古

寒食遣興

縣舍醑醑始有開意會走遷居簿廳

落梅

折枝水仙

月下醑醑

和許簿牡丹二首

復和仲蟠二首

思鄉奉和

和錢都官

和元直

和元可贈別

王朴

酬朱張二秀才皆次其首章韻二首

觀法帖

夜聞桂香

蓼花

社日

LOU LIBRARY

卷之八

詩七言絕句七十二首

至樊口三首

宿大城寺

春草曲

樊山春望

追和澹泊樓先祖詩韻

赴調

王征引

喜聞

帳宿幡竿嶺

黃陂縣懷古

記夢

病興卽事

無題

魏勃

書溫公集後

讀舒王日錄

讀鬼谷子

新歲病起

桔槔

聞鳩

長湖以南李花瀰滿山谷誠臺望之睥如也

酴醾花謝有感

巴口感事

十四日從諸同官登西山郊壇岡次孟監務韻



讀史記

黃霸

假日

將歸

戲寄清虛先生

聞前月時事君舉象先皆與南宮之選是日讀

易詩春秋作四首

州圖次元修韻三首

書敬仲兄枕屏

歸計二首

青田同七五兄作四首

追和寶山書睡

戲作贈別效東坡體次其韻

雨中鶴唳

啄木

鷺

讀鬼詩擬作二首

李斯

燕太子

雨後憶龍翔寺

秋意

聞蟬

村居秋暮

睡香

擣菹

公叔次開窗詩漫答

幽蘭次十八兄韻六言四首

卷之九

詩七言長篇二十八首七言絕句二十九首

詔書屯田

書顏子傳後

六月三夜夢觀某人詩什

讀伊川易傳

樊口見鄭崇陽不遇

誠臺晚意

晨赴寒溪寺乾龍節道場所

新晴

勝亭雪望

和賈簿

和賈簿勝亭雪眺

艮止亭卽事

泊船

從孫元式假定本韓文

校畢歸之

勸農出郊

九日龍山之集

冒雨渡江弔喪彭氏造雪堂夜歸

酴醾花

牡丹

巖桂

天閨

武昌懷古

首清言集目錄
筠鄉入夏野花方拆

艮止亭晚意

艮止亭阻雨旬日

晚渡東坡

行成西山

讀蕭銑傳

塊坐

讀皇極經世書

讀荆軻傳

讀劉又集

伯文人盆池開芙蓉十二

讀近時樂府

春遊

卽事

殘花

瓶花盡落而梨花瀟灑如故

寒食雨

江村聞笛

遠景圖

野望

衰柳

嘲欲借子雜稟者

卷之十

詩古調二十五首

送張漕還停舟樊港訪退谷

登怡亭故址



行成西山徒步抵寒溪寺

感事

陪劉提點遊西山

送中司抵巴口

病起

晚雨朝霽

賞雪

二十五日雪

和賈簿雪

黃楊生拳石閒王彥材以為贈且賦之走命曰

孤山貞幹次韻以酢

夜深

偶書

中秋對月戲呈覓舉諸兄

開窗

子規恨

聞齊安雜詠板成從沈守求印蒙以為贈

永嘉行

雪中送客寒溪堂

可憐

假山次葉師文韻

蘆花

柳絮

香棠

卷之十一

詩古詩三十二首



元日

孔子

比年士風銳進求薦章者殆如辨獄擠排詆訐
無所不至客有勸予干當路者二首
疴疾中元式示詩走筆次韻

江夢孫二首

巴口相地作大軍倉

送韓國器登舟至石門視窪樽逮暮乃返

我客

欲晴又雨終夕震電

跋分定錄

鄂城篇

謝王尉見贈龍溪集

二同舍賦鄂城篇

次韻李浩然喜晴

河豚

東坡在齊安賦海棠詩

寒溪送客時李花盛開山谷彌望

蟻啄翻

釣臺阻風去得風便

乙亥歲東遊會稽謁禹陵過馬臻祠下詢所謂
鑑湖者則已堙塞爲民田因賦

張村

舟行樊港望竹間石上李花盛開

遊韓魏王書堂

二女篇

被命行田未半而羽書至造砦者萬別駕其逼

方甚繼復有聞

某爲令無狀不能化服奸盜

記游詩

跋蜡虎圖

孫元可賦張公石室詩

春愁詩劾玉川子

卷之十二

詩樂府三十七首雜詩五首

樂府

古意

侯婦歎三首

團扇歌三首

胡無人行

木蘭將軍祠

車遙遙篇

明妃曲

惜花引

楊叛兒

楊白華

秋扇詞

秋空辭

擬古

相逢狹邪聞

怨歌行

豔歌行



妾薄命

陌上桑

從軍行

戚戚復戚戚

自君之出矣

石上可種麻

春蘭有真意

七哀

鈞天曲

欵乃歌

菊冬榮

樓上曲

武陵行

貴遊行

夢仙謠

谷里章

雜詩

東坡

淵魚

誠臺瓦鼓詩

端午寒溪早出

志事

卷之十三

詩琴曲十九首哀挽二十首

琴曲

神人暢

思歸操

舜操

南風歌

襄陵操

霹靂引

適薄歌

箕子操

文王操

克商操

采薇歌

麥秀歌

神鳳操

正陵歌

梁山歌

歸耕操

汾亭操

水仙操

沈舟操

哀挽

傷劉復之三首

劉復之哀辭

外舅孫帥挽詩

故使制置閣學蕭公挽章

高邦貢挽詩

張端明挽詩

張思豫挽詩

許深父母挽詩

陳蕃仲侍郎挽詩

孫元式挽詩

周詹事操挽詩

周待制淙挽詩

走作復之哀辭將寄諸賓之旋聞賓之下世道

中哀痛之劇

卷之十四

五七九

五監

七屆

九奮

右啓憤

右怨春風文

右去郢

右東首

右遡江

右賦巴丘

右記夢

右行吟

右沈湘

九禽言

卷之十五

文

被旨禱廟祝文

武昌祈晴祝文

WENZHOU LIBRARY

謝晴祝文

補漢封汁防侯雍齒冊文

勸農文

以漕司命祈雨祝文

謝雨祝文

祈晴祝文

謝晴祝文

謁文宣王廟文

謁諸廟文

祈雨祝文

謝雨祝文

謝廟祝文

謝文宣王祝文

諭保伍文

湖州到任告文宣王廟文

到任告諸廟文

祈晴祝文

滴漏祝文

謝晴祝文

諸廟祈雨祝文

諸廟謝晴祝文

祈晴祝文

祈晴祝文

祈晴祝文

磨李固碑文

誠臺禮復文

雨

擬祭海神英烈忠亮李公文

哀韓大將軍文

弔遺骸文

卷之十六

奏劄

召對劄子一

召對劄子二

召對劄子三

奉使淮西回上殿劄子一

上殿劄子二

上殿劄子三

知湖州朝辭劄子一

朝辭劄子二

朝辭劄子三

代論流配劄子

卷之十七

劄子

都堂審察劄子一

與虞丞相劄子

與王樞密劄子

又與王樞密劄子

與四川宣撫王樞密劄子

奉使淮西與虞丞相書

與虞丞相書二

與虞丞相書三

與虞丞相書四

與虞丞相書五
與虞丞相書六

卷之十八

劄子

淮西與王樞使 公明書

淮西與梁右相書一

湖州與宰執書

與宰執書二

湖州與宰執書

湖州與梁右相書

湖州與樞使王觀文 公明書

湖州與四川宣撫虞少保書

湖州與曾參政書

湖州荅王樞密書

湖州與鎮江守黃侍郎書

又書

卷之十九

劄子

上宣諭論淮西事宐十 劉帥淮東上

荅宣諭范機宐

上宣諭論淮東事宐三

論營田

上宣諭論蔡州事宐

上宣諭論北事

上張宣諭書

卷之二十

南浦詩集目錄



溫州市圖書館
WENZHOU LIBRARY

劄子

上成馬帥論屯軍

與宋守論屯田利害

上宣諭汪中丞書

論屯戍

論民力

論賊盜

上胡舍人書

擬上宰執書

上張魏公書

再上張魏公書

卷之二十一

書

上湯相論邊事

再上湯相

代上湯相書

與陳左相

與虞右相

與梁樞密

參宰稟目

張樞密劄子別紙

與王公明

與劉樞密

與王樞密公明

與王樞密公明

與王樞使公明

溫州圖書館
WENZHOU LIBRARY

與王樞使公明

卷之二十二

書

與汪參政明遠論岳侯恩數

與汪參政明遠論屯戍

與汪參政明遠書

與汪參政明遠

與汪參政論邊事

與汪參政明遠

與汪畱守明遠

與汪樞使明遠四

卷之二十三

劄子

淮西與周侍郎書

與張左司書

楫

與朱編修書

又與朱編修書

荅尤溪石宰書

荅沈縣尉書

荅定遠于宰書

荅陳同父書

荅石應之書

與喻郎中

標二

與喻郎中

沈應先書

與趙漕書

與王彥恭經略

卷之二十四

書

與鄭景望一

與鄭景望二

與鄭景望三

荅景元書

荅君舉書一

荅君舉書二

荅君舉書三

荅君舉書四

與劉復之一

與劉復之二

與劉復之三

與劉復之四

荅何商霖

荅何商霖書二

荅何商霖書三

卷之二十五

書

荅葉適書

荅象先姪書

荅徐元德書

抵楊敬仲

抵沈叔晦



WENZHOU LIBRARY

與柴察院

與潘文叔

荅少卿舅氏書

復潘秀才書

復程秀才書

復張人傑學諭書

復龔秀才書

卷之二十六

劄狀

上諸司論金牛置尉劄子

上王守議后服劄子

上王守論絕戶田租劄子

臺諫劄子

王正言劄子

武昌休官白郡劄子

再白郡劄子

被召辭免劄子

再召辭免劄子

上大理寺長貳劄子

請祠申省狀

再辭召命申省狀

劄子

又狀

湖州請祠劄子一

二

卷之二十七

解讀辯書跋

解

皇極解

讀

讀天問

讀王莽傳

辯

知性辯示君舉

河洛圖書辯

晏子春秋辯

辯管子

辯李廷珪墨

書跋

書古文周易後

書詩性情說後

書莊綽撰著新譜

書林勳本政書

書趙烈侯事

書鄭威愍公遺事

書周世宗家人傳

書大象賦

書單鏐吳中水利書後

書丹徒五百事

卷之二十八

擬策一道策問二十道

擬策一道

策問二十道

溫州圖書館
WENZHOU LIBRARY

卷之二十九

中庸解

大學解

卷之三十

風后握奇經

書角音二

書革音五

書金音五

書磨法五

書旗法八

書陣勢八

書右續圖

書敘握奇經

賈八陣圖贊

敘黃帝陰符經

敘古文老子

遁甲龍圖序

甲麻序

敘焦氏易林

敘山海經

論語直解序

論語少學序

書古文訓序

序反古詩說

經解春秋旨要序

漢輿地圖序



溫州府圖書館
WENZHOU LIBRARY

漢書正異敘

擬班固漢書序

擬漢高祖沛泗水亭碑銘序

漢中興頌序

香奩集敘

李長吉詩集序

敘十國紀年

十國紀年通譜序

武昌土俗編序

書武昌土俗編敘

序鞞彈漏刻

送甄雲卿赴西宮學官序

賈氏家譜序

卷之三十一

記

未央宮記

岐陽石鼓記

得欽崇豆記

記漢尙方劍

新作祭器記

吳太皇帝廟遷造記

忠顯王廟復薛夫人像記

克齋前記

儼若思齋記

克齋後記

弦歌堂記

溫州圖書館
WENZHOU LIBRARY

松風閣記

新作殊亭記

誠臺記

寒溪堂記

勝亭記

正己堂記

艮止亭記

梅廡記

卷之三十二 檄 贊 頌 銘 箴 傳

檄

擬謝玄喻秦檄

贊

八陣圖贊

頌

龔山頌

平狄頌

銘

廣湯盤銘

商輅銘

周鼎銘

晉白虎樽銘

天閨銘

銘無文碑陰

安齋銘

器物十四銘

書几銘

書篋銘

研銘

墨銘

筆銘

枕銘

衾銘

牀銘

帳銘

屏銘

門銘

冠銘

劍銘

會器銘

箴

周庭燎箴

周永巷箴

漢宣室箴

閭室箴

耳目箴

傳

袁先生傳

卷之三十三 箋行狀 誌銘

箋先大夫行狀

書先右史遺編

敘遺編別錄

故通判臨江軍事王公墓誌銘

余仲美墓誌銘

林南仲墓誌銘

故醴陵縣丞江公墓誌銘

王夫人墓誌銘

卷之三十四 行狀 祭文 弔文附

行狀

宋侍郎

劉進之

陳益之父

高府君

祭文 弔文附

祭蕭帥文

祭周詹事文

祭呂郎中文

代養志姪祭王舍人

祭外舅文

墓祭外舅姑文

祭大舅文

祭諸葛夢叟母文

代四兄祭劉氏舅母文

堂祭四二叔母文

代七乙叔翁堂祭廿九伯母文

卷之三十五 諸公祭文 諸公挽詩 行狀 墓誌銘

祭文

朝散大夫權知溫州軍州主管學事莫濟



前溫州州學教授樓鑰

文林郎新平海軍節度推官鄭伯英

友人張澹鄭伯熊

宣教郎知溫州永嘉縣主管學事周秘

永康友人陳亮誘陳傅良

持服黃度

學生迪功郎新臨江軍軍學教授王遇

迪功郎潘景憲

從政郎新漢陽軍軍學教授石斗文

學生迪功郎新明州昌國縣主簿主管學事高

宗商

學生迪功郎新口州司戶參軍石宗昭

迪功郎紹興府上虞縣尉沈煥

迪功郎新差監提點製造御前軍器所門孫觀

正

學生陳牧之等

友張澹等

姪溶

兄高

姪純伯僅仲任綱紹叔似繹洪瀛泳濬等

鴈蕩山能仁寺住持僧從瑾

判府趙祕閣墓祭文

挽詩

朝散大夫權知溫州軍州主管學事莫濟

承議郎通判溫州軍州主管學事廖珪

迪功郎充溫州州學教授徐嘉言

薛良齋浪語集目錄

迪功郎溫州司法參軍魏興祖

朝奉郎新權發遣廣德軍主管學事何伯謹

正

迪功郎新差監提點製造御前軍器所門孫觀

從政郎溫州錄事參軍錢似

月潭甄龍友三首

徐定

陳傅良行狀

呂祖謙墓誌銘

札記 卷 嗣出

薛良齋浪語集目錄 畢

良齋先生薛常州浪語集卷第一

賦上 靈芝賦

宋興二百有三季封陞載靈狼烽不驚上乃高揖凝旒棲

神泰清天之與子法舜承堯祗載夔夔齋栗以朝帝被袞

章昇策寶列旌麾羅羽葆太師輔前少師保後工瞽登歌

奉常贊道有覺彤庭皇拜稽首上天子之父號曰光堯壽

聖太上皇帝母曰壽聖太上皇后宮維德壽康壽其堂色

眷無違儀刑四方二聖相歡用惟其至仰孝俯慈假天準

地二氣之精百物之英誕秀靈草乘時挺生隆興惟甲申

歲之陽羲皇御寅斗直東方有茁者芝有粲其房不植不

根于殿之梁輪困扶疏馨香有馥紫色芬藍交光暉日歛

騰龍而翥鳳追金相而玉質煥耀宸居清明帝闈閱之者

薛良齋浪語集卷第一

神驚瞻之者曰奪一本同柯支生十二錯地分州蟠天列
次瞻彼日月膺期嗣歲亦有律呂八音以諧僊館玉樓炎
于泰階皇帝乃命東觀啓鑰書披瑞命之篇參瑞應之圖
驗通儒于白虎稽神契于孝經僉曰王者孝慈則芝茂又
曰養老則芝生深仁是加于草木祥應是接于仙靈故肅
宗養親而產延英之座孝武嚴帝而秀甘泉之庭于是聖
心悅懌稱賀誼譁皇上賦玉華之詩太上發芝房之歌君
臣動色室家胥慶被之于服章聲之于謳詠蠻獠以之輸
琛海波以之愉靜戴白之叟成黃之兒爰及閨房笑語嬉
嬉自慶未始識也若豈天降而人爲哉粵有狂生小子樂
稱古德喜溢于顏憂形于色謂和氣致祥允天子之慈孝
天施地產誠聖人之達德也乃若漢之宣章號稱七制仁
民得天休符接至桓靈何道而產中黃之藏有芝英之瑞

也由是言之妖祥叵測爾疋離騷乃尋乃繹乃列芝蘭乃
識菌芝或云產于岳阿采于山而有之蓋希出堂殿高華
之所有沾濡鬱結而爲曾胡多之可尙青龍之際乃一柯
而三十有六支此何做所稱生庭之怪草崔炎以謂蒸氣
而生之也乃其奇祥有取蔑聞往古方士多岐有傳漢武
逮乎季末諛辭麇至鬼目呈符菌宮賀瑞豈黃精鉤吻有
時而亂亦雜蘇豨苓有時而帝也於惟我后秉文之德具
天景貺三辰耀色雖無此芝何損于治生禁之庭亦孔之
異此不可不察者誠何足以當上意也悵天居之高遠羌
欲告而誰言聊陳辭而寫志庶有發于塵編亂曰靈芝秀
兮爍宮庭春樞易色兮隨月而生神父慈兮君主孝貺珍
符兮天之云告我欲排閭兮雲路迢遙物怪司閭兮翅折
之招爰紆懷兮作賦儻六丁兮下來持去

唐風賦

有唐氏之封國都蟠木之甬東馬牛遠其不及舟車絕而
不通其民穴處比屋開房王宅中都深嚴九重扶甬道之
交馳敞離宮之虛邃援臂接其鉤連拱周廬之環衛舉袂
歛其風生發語轟其鼓合繁邑居之浩穰紛往來之雜遝
循有國之彝倫正君臣之上下有一姓之常尊越啓邦乎
遂古曾篡殺之無聞信戰爭之無取王屬烏姓其民黃氏
服色所尚烏黃而已民佩觿以爲飾冢室壯而虛居偉敦
彤之厚貌極骯髒而睢盱王之儀表特多奇異翹然出類
胡然極貴望之不似人君就之而不見可畏王好細腰邦
人謹飭王好長裾邦人馮翼上不令之攸行民戴君以爲
命力作而不敢告勞焉以奉王之同姓所謂主在與在主
亡與亡一國待一人而治萬室同一家之政者也載朝載

夕御于君所有覺彤庭坎其擊鼓濟秩秩之朝儀迅翩翩
之抃舞胡風雨之蕭騷振衣裳之楚楚寄邦刑于警吏法
惟牢戶之填罰有犯而惟行拉腰膂而指猿上無酤權之
禁民習釀以成風醞百花而家給亶公私之大同賦稅之
法以臘而征獵取于敖甘如飲錫苦辛之卒歲嗟誰爲之
營營民俗喜遊其行無迹御非煙之翕合履空虛之絡繹
粲芳菲之芬馥一花樹之離披交燕賞之駢闐匪寒溫之
載罹旣醉而歸式歌且舞紉香葩以爲佩惹衣芳而返處
懲野宿之王誅用不闕于外戶粵有渠蒐之戎諸种之族
由慢藏之致寇以盜招于天祿將埽除之靡力創侵陵之
云殆爰巽處于新都有遷民而遠害王息生而已長錫茅
土而封諸中邦甸而分民卽新封于大都送之者至門而
返制初絕于交如國之大事莫如卜宅相攷陰陽乃謀舊

德審輿情之胥悅王揆日而于行瞻一人之鸞翥儼千官
之景從峩冠業岌進其前佩劔崢嶸踵其後飛騎翥其如
煙翊衛雱其如雨弓弩殼而空張競周章而禦侮載行載
止載回載翔王人興而樂舉鏗夔鼓與龍鍾警從官之行
節洵輯集其雍容動不違于車下抑何誅于亂行遠而眺
之搏如鵬翼之奮長風卽而視之宛如雲蒸雷起之應翔
龍達郊關而近止居整飭于威儀以次卽于新城正班列
之離離其行有序其至如歸大一王而入邑宣新令之無
譁攻王室之渠渠力公餘而後家百堵翕其皆作更番出
而樵蘇王巡守于崇朝徇邦人而有誅凡所以維綱其國
者尙同人之疾夫走間唐人之俗有五善五殆焉以德而
王一善也世有常尊二善也上下均一三善也公而後私
四善也民勤于力五善也斯五善者所以正王居于南面
者也世嫡無統一殆也大都偶國二殆也王族侵民三殆
也征之無度或時不取四殆也諸种侵軼五殆也斯五殆
者皆人力之所不逮焉者也有茲五善屏除五殆而邦無
絕奉衰微之患寡宗姓侵漁之害業無情而無勞戎罔窺
其障塞走將見夫可封之俗永無聞于淪敗者矣慨有唐
之褊小可言大國之風無五善之綢繆而五殆之云崇走
知其爲邦之效不難乎神禹之功也感微生之含性稟忠
諒于天然聊託賦于斯文庶夫人之勉旃已焉哉天寔爲
之其又何言

懷騷賦

觀競渡而得屈原之所以死作

江水滔淫兮恢哀中陽桂棹蘭舟兮沂洄翱翔周章通國
兮社里單出赫奕炳明兮象龍偶濟筒糧煥結兮昭祭先

生今古回環兮顯允人之故誠蹇產予心兮緬懷墟郢騏驥伏箱兮駑駘馳騁變緇以爲白兮珍寶甘蠅蒔艾穫蘭兮將誰與明蛾眉粲其嬋娟兮羌被離于眾醜纍罽埃而爲竊飯兮蓀孰知其內守視羣輕之折軸兮舟沈于積羽繁直木之致斤兮信夫君之有取堯徂舜陟兮人自爲家媚嫉異采兮憎人心之所如耿著夜光兮浮雲結而慘黯忘衣裳之昌被兮不自知其顛頽眺丹陽而侘傺兮黃沙之莽莽拔高止之松桂兮剛寄根于非土鸞鳳翔于千仞兮來下棲于荆棘豢龍烹兮同鷄鶩于人會鄂渚徜徉兮思眇眇之故步永懷流烈兮聞高風于競渡時移世變地益遠而年益邁兮孰孜孜其愈勤飄風發而白雲飛兮蘭含香而自焚重日崦嵫嗟礪前介西兮服翼昌楊玄鳥棲兮子胥鳴夷比干逝兮逍遙沅汨將永逝兮崇莠言文在

羨兮人吾歸知何有兮雷霆奮聲輜輪兮拯溺風千萬春兮椒蘭穢庸有止兮懷畱夷曷其已兮

春霖賦

皇八世之隆興兮元正直于青陽遭霖霽之媿絲兮竊獨悲此眾芳氛祲鬱其繽紛兮蔽皇蒼之洪濶既困人以沈著兮又申之以紆軫斡渾天以爲蓋兮星辰爛其昭灼仰橫空之飄颻兮日飛霰余靡樂坤輿磅礴以蒸清兮漲塗潦之狂流草莽莽以侵階兮蒼蘚汨其孔蘇藥丹頰以豔顏兮荃胡獨罹此患上飄風而下淫注兮實芬葩于未晏蠶蠹蝨以三蛻兮麤棲畝之云秋胡彼蒼爲此沍寒兮產鬆鬢之耳頭情徬徨余靡遡兮幾鳴哀于閭闔羌被離于霧露兮雖衷腸誰與荅創余懷而若刈兮涕紛零其如雨庶庚辰之輔夏兮鎖支祁于淮浦烏乎悲哉兮人生復幾

春歲流邁而多陰兮皇溷滑于東君不如歸跼鶻鳩之凋
萬卉兮傷靄昧而幽憂叱神龍俾潛淵兮馭羲和而遠遊

感沐賦

壬午中春十有九日走沐見二毛焉因感而賦
沐余髮兮中春感余心兮泯紛烏頭白兮道蒙若不壯年
兮兆衰落元始昆侖閱歲華之垓載兮颺如宿昔人生百
齡月過千之云積兮羌虜盈之不可度羲和叱馭而莫之
挽兮倏焉歸于宵漠視權輿爲一欠呻兮矧吾生之略約
彼顏子二十九而白頭兮親聖師而亡悔思文君子鼓琴
兮儻沈吟于本始春歸園而秀木兮果覲花而知實人間
世兮苟託棲于茲室多文飾兮華髮班其可喜一彼此之
暫然兮嘻其云異視老彭爲非望兮若殤子者吾其至愉
皇蒼之司壽夭兮繫余何意寄悲歌而寫志兮曰生之忽

也庶彙由天俱斯物也春萼榮華幾其日也班白顛兮猶
之一也於乎樂兮終歸沒也

感除賦

感寸陰之云暮將歲華之就除陽曦赫兮已入天昏昏兮
方夜愔余生之沈窳年垂加兮有室寔無進于成德而徒
爲乎積日皇參去台兮愈遠二紀閱兮痛音容之不可見
視兒曹之日長慚慘怛而惘惘思既往而沈吟時不同兮
寔勞我心官匏繫之更載下下考口書之云再悲盛年兮
去不我畱知有期兮樂舍是而優游儺鼓鼗兮震渠屋倡
振童兮逐逐山臊神兮難知爆竹庭除兮夫勞爾爲靜日
嗟嗟兮若人年暗易兮時新不知駒之過隙旦旦兮王
春

本生賦

元始鴻濛兮肇太初惟皇極聲色恍其無朕兮希微夷爲
至德天墜生而滋數兮是分人紀人本生于父母兮體陰
陽之萃美羌圓顛而足方兮二儀之性也紛坐作之夏王
兮惟動靜也九竅作而四支行兮孰司其柄也強不息而
運乾乾兮於穆惟皇之命也余旣克格此至誠兮又將之
以至愚冠芙蓉之芳馨兮扈荃蘭以爲繻珮明玉兮長劍
履瓊華兮激灑病世俗之顛蒙兮思將以免畏脩名之不
立兮悵悵登崇丘而搯桂兮踐草茅于溝瀆叩山高兮瞰
谷旣瘖兮我馬茫洋兮厭若悠揚兮莫之我持余恟怛而
侘傺兮命巫咸以占之巫咸啓余以其兆兮曰而謙焉如
有失耿營皇之隱憂兮浮切身之疾疾宜沐芷之芳潔兮
以歸毋昏迷于糞壤兮驅馳宜飲水于華池兮自潤毋力
爭于虎狼兮騁俊宜種鞠于籬東兮卒歲優游毋習嘗彼

野葛兮懼外物之余仇感春秋之川逝兮日與月其相除
反視其多過兮越美人之軌度弗忙遽而言旋兮荏苒歲
其將莫駕騏驥而驂白虬兮揖旬始其爲御兮芒葇收趨
走夾余軻兮祝融用之先路豐隆飛廉共灑埽而從輿兮
列玄冥爲犇屬帶浮雲而乘太微兮招搖邈其容與凌崑
崙而放于六漠兮鼉徜徉而遊處九陽駕言夕歸兮顯顯
洋洋期泰初而爲交遊兮將叱咄乎黔羸媿淑申申其証
余兮曰胡爲而不爲卓行混茫彷彿兮徒爲訛病求異世
之落落兮嗟倫類之緬邈人斯與而不羣于鳥獸兮巍巍
乎古之先覺帝鴻氏余鼻祖兮惟大宗曰伯陽侯于薛而
姓惟任兮芳澤三王奚仲萊朱之思誠兮左右夏王洎商
武誥明明如日月兮祖已追于臣扈摯仲任之京配兮嬪
文公而接魯粲三秀之偕芳兮天香郁乎往古秦漢世之

足蓬艾兮丕南辟于丹陽麟七朝而軋唐李兮令之作于
閩方。崩龍虎之肇名兮天荒是破日晦靄兮粵言旋于故
處四百齡兮我祖光祿道蘭洲兮遠追前躅菊香流兮宜
黃中冀體石蓮之剛固兮菡萏芬尊而廣被右史君兮含
月精衣卿雲兮帶青萍信杜衡兮縈辟芷服荷裳兮腰蕙
苳冠獬首兮珥汗青武先祖兮在楓庭剛百鍊兮有折視
氛朕兮無刑懼前修兮弗稱聊相羊兮往行反曰川瀆委
蛇道幽通兮波澤淪漪德涵溶兮清靜沈潛漫淙鴻兮泥
滓隄坊混而窮兮澄澈滔滔反流東兮浩蕩汪洋惟太空
兮邈其無象將何從兮

良齋先生薛常州浪語集卷第一

良齋先生薛常州浪語集卷第二

賦中

吳墟賦

命僕兮中車駕言出兮東隅指地堞而揭汨濠兮訪吳孫
氏之故墟蒙茸煙草兮密羅城郭黍離離兮秀于塹澤蒼
龍東而西白蚪兮屹然象魏高復下兮荆棘疑其堂陛陛
戟九重兮列苞稂與蓬艾左宗廟而右社稷兮愔不知其
何在井不改而能遷兮榛蕪旣穢紛萬室之鱗鱗兮瓦礫
碣礫而布地晝遊麋鹿兮想黎庶之紘紘朝與夕而朝夕
兮狼虎爲之具臣人旣去而城存兮念之何已意忽荒兮
徜徉徙倚瞻齊侯之遊豫兮至于亡郭隕穫舊聞兮羌善
善而惡惡惡不去善無庸而猶滅口兮矧將反是莊躄爲
廉兮伯夷爲穢黃女充宮兮南威見棄犬爲狼兮豕爲虎

豹狝剛摯而怯名兮謂之首鼠刑無辜而親有罪兮衣裳
反其上下場如洛之車蓋兮伊有有取懷大帝之英雄兮
爰經始于是都樊山以爲西障兮三面汲于江湖掄材用
而建邑屋兮信微罔弃大者棟梁兮屢屢取之至細柱楣
榱桷之適當其用兮木札竹頭以不廢輪奐成此室居兮
且以傳之萬世矇矓焚于赤壁兮北何威于大魏豎豹尾
而安一怒兮時非時余有俟迭曹馬之泯紛兮蹇代興而
一替嗟厥志之已忘兮民膏脂之是嗜謳吟作兮思金陵
而引睇誓不比居而活兮寧歸以死此魚滄兮不如彼之
飲水人已去兮君不知水龍來兮斯已矣余此遊兮窮遠
目下不見人兮上不見屋虎之跡兮衡從聚落蛇遊故宮
兮獸馳大麓寄余意兮四達之衢不知淚之盈襟兮俄失
聲而以哭亂曰金城湯池草莽莽兮巷無主兮版築傾頽
儔告語兮興廢乘除寧有所兮寒與暑兮迭王日而月兮
一來一往又安知他日之宮牆不變今之草莽也

鄂墟賦

按籍披圖乃窺鄂墟有邑無民荒城已蕪鄂渚繚乎其前
樊山峙于其北有峰有巒有陂有澤林麓蒼蒼環流漾碧
萬頃漣漪際天一色吏指圖而告曰此三代之建邦也在
楚熊渠始大宗周淺微哉拓東境窮兵極茲乃命子紅王
而有之已而知其非是紅歸國廢爰始邑焉吳遷以替是
爲周晚之荆蠻專封之舊地也走蹙然而應之曰是則然
矣而非爾之所及感昔傷懷凄然以泣曰蠻宗以大非熊
渠之罪也夫天王至貴匪夷之類猶之在人足元孔異使
周王能保文武之基緒不失周公之典制外睦諸侯下安
萬彙禮樂征伐惟王是出后稷之功有隆不替蠡爾荆蠻

胡靈以害伊其自絕何傷日月不見崇侯俄然已滅自彼
成康既亡昭繆志荒京邑昏昏儀于四方廢法專征諸侯
是常楚越徐吳于焉僭王則夫荒服之侵凌爲天王之政
厖也熊渠何罪哉封紅于鄂此其大索廢紅而復豈無遷
善意邪而王不是改也乃有驪戎犯順鼎彝屢震楚及郊
畿重輕是問則斯僭竊之狂圖非當時之大璽也且夫百
姓何知觀德攸歸楚之盛強惟能撫之彼社稷宗廟尙爲
禾黍夫何鄂侯之覆哉若夫都之故城哲夫是成版築經
營再千爾齡而猶巍峩弗傾今之爲城者反是豈夫人之
或異版甬靡不施工靡不至在旦落成而夕頽委地觀
夫僭竊之荆蠻又匪于今之所息也走嘗觀古中都先王
矩樞而今已亡猶存此墟走不知人力斯至邪將皇天之
意夫

坊情賦

彼美人兮婉且都容閑閑兮豔春華髻堆雲兮鬢蟬翼瑳
皓頸兮凝酥瞬目兮秋波步弓玉兮飛鳧束素珮兮瓊琚
冠集翠兮芙蕖獨立兮牆隈顧景兮徘徊筓丹葩兮柳綠
寄芳情兮青梅睠子兮脈脈欲往兮還來矚星眸兮愁子
懼一逝兮長乖按轡兮求漿繫馬兮垂楊蹇命坐兮少須
跪酌我兮金觴欲言兮無語斂羞蛾兮映朱戶剛撩鬢兮
爲我容習游絲兮若無主啓貝齒兮流香與我期兮溱之
陽驅輜車兮颭颭情依依兮憑簾稅駕兮同行攜春筍兮
摻摻汎漣漪兮清波航木蘭兮素舸驚起兮雙鷓共飲兮
新荷弄脩景兮澄瀾鼓桂檝兮長歌歌春日之豔陽兮景
浩蕩而舒長柳裊娜其裝垂兮百卉開而芬芳燕呢喃以
並語兮梭對擲其鸚黃嗟物之各有偶兮怨隻鳳之無皇

泯予心之閔默兮見良人以徇徨羹肥粢之羞珍兮可一
嚮之能嘗載賡曰春景兮熙熙春日兮遲遲願交頸兮同
遊羨比翼兮于飛悵形迹之礙夫人兮內也誰欺羌屋漏
之足愧兮逝將往而猶疑歌竟兮沈吟迭倡兮嘉音遏行
雲兮清徹鼓朱絲兮鳴琴思招搖兮不持花微吐兮芳心
倚蘭玉兮明珠款暉映兮坐隅躑自啓兮櫻唇聊搔首兮
躊躇逝相親兮莫可正良心兮匡我復大禮兮自持焱長
揖兮分飛惋悵望兮阻山岳遠相思兮雲霓亂曰色天下
之通好兮心放其收禮正己以參天兮莫見乎幽眇十年
猶臭兮薰揉于蕖彼鮑魚之肆兮君子曾是之遊紫奪朱
兮改色珠有類兮焉脩寧有負于佳人兮予心不歉顧不
易于去水兮言反其流慨禮教之可樂兮聊卒歲以優游
粲秀色而好不吾移兮夫復何求

自釋賦

太歲貞于執徐兮涂月季惟方癸農事畢余揆其成兮秬
忱陽與襄水飛符命之至紛兮郡府號余曰有勅紙泉貨
惟四千兮五千杭其以糴越土性而謂余求兮郡命違其
曷可蚤夜民之飼糠粃兮又掇攘之有叵方千里而爲畿
甸兮芋葦居其百九人景希兮欲多求之孰有蓀摧右而
左陂兮復前堤而後堰萬斛舟兮望悠揚而罔見苞苴昌
兮根微蠹以弗充君門狗之吠狺狺兮圓月噎于雲霧足
余進而趑趄兮矢嘯嘯之靡入思昌倘而歸印綬兮啜哀
傷而兩泣謂何求之喧泯渾兮知此憂云實鮮余中切而
深慮兮羌謂之回遠憂民于以爲國兮胡國憂爲毋害
敢稱民而自佚兮以求其安泰僥天命之畢罷休兮余心
之有得聊遲留兮陳詞而自釋

不致

金龜賦

金龜瓜蠹也似龜而小首足介尾咸具色若中
金焉惟其冒乎外者輕明若雲母有翅附甲而
生巨領雙髯腹下多足與龜爲異弗察乎邇無
見也名無能得于古世以形象目之慨其如是
而非可爲童兒戲翫寔無所可用其于靈壽何
有多奇異而飛不及遠難矣哉因感而賦

春氣霽其融和兮東風習習以生庶卉資以茁萌兮屯然
而成厥形寂書堂其蕭寥兮聊縱步以抒情行瓜田而倘
佯兮瞥玉靈之異常蹇至微而賤軀兮遵柔柯而微行體
渾金之萃美兮色耀日而舒光巨首顛顛兮神屋歸然以
隆足孔舒兮甲隤如以豐員上兮天穹瓜旁出兮四方背
負盤兮峻正山之藏昂昭以晰兮列宿疇其同明手嗟庶

錢

物百其形兮同類殊情不可命兮龜生千年巢夫蓮兮萬
歲木屈緣而升兮五色備具爲可稱兮曠古不聞遊蔓藤
兮託質精鍊爲見情兮款神物兮出倫類去泥塗兮將自
異豈長年兮于此焉極非仙靈兮茲焉嘻戲情恍漭兮無
主立躊躇兮不語龜蹒跚兮如顧倏翻然兮飛去驚子心
兮駭目歎瑰奇夫龜者神悠揚兮未安俄翩翹兮來下睨
而視之若是而非觸而止之屈信則微于始怪子兮載疑
反覆之而究兮知牙之象之喙有髭兮磔豎下紛如兮多
足雲母薄如翥之覆也靈龜隱如文之著也尾足成形彩
之傳也不可覷也矧可度也伊飛蠱之微摩亶資氣而含
靈感瓜滋而賦性腐草出而同螢等蟪蛄之脆弱知何秋
之嘗更瑣厥躬之譙薄兮稟非常之妙形神有愧于知來
兮壽奚極夫千齡潛形似而蔑有兮亦猥當其美名觀夫

德其茫若兮甲疑乎可貞。變八卦之無象兮千里曷其如繩氣靡服兮芑瓜葉之靈著。潛豈伏兮蠹以濟其調。飢蠢而蠕兮何識何知。內匪明兮莫決乎疑。曾可責兮知彰。泉微泯同形而非類兮。性天邈如羌僭竊其虛名兮。誰與卜無庸兮藏廟堂。立終年兮于野。何親人而詭以求全兮。儼如亡兮。愚子德兮安取難兮。而後嗟彼服之不稱兮。適以焚身。將兒曹之而愛兮。斃焉無所亂曰。僞亂真兮道之賊。若胡爲兮象之或內不靈兮。死其文受茲服兮。其何獲感。微蠱兮作賦。庶永監兮夙夜。凡百君子念茲無射。

信鳥賦

南人喜鵲而惡烏。北人喜烏而惡鵲。好惡之不同。有若如是。害南北更相笑而無有訂焉。走寔南人。以北人好惡爲正。作信鳥賦。以辨或庶幾。

乎不黨也其辭曰

有不有翁言與世違。行與眾忤。動作云爲。惟背時是主。恆笑遨乎江吳。經乎罔直之野。爰有雅烏。上主人之屋者。主人瞠若而唾之曰。吉吉利利。善人其逢。惡人余避。次有乾鵲噪于其庭。主人持飯一盃。一甌羹。嘻嘻煦煦。祝苒行奠諸地而飼之曰。而以喜來。將無後時於余婦子等之接之。不有翁錯而顧躍而驚進。揖主人。請問其情。主人曰。夫子不是聞乎。夫烏之性。人災其幸。來集跽呼。蓋非吉徵。頃刻不踰。厥有非常之應。鵲也無然。休祥喜傳。惟吉惟慶。羌來告言。應乎弗應。行人至惟古說焉。夫子曾不是聞乎。不有翁啞然笑曰。異乎吾所聞。君子爲善不求福。去惡以遠禍。福之至也。固當然。其得禍也。非子過于此而無乎。嗔何喜。鵲而于烏乎。遷怒就子之說言之。則鵲是而烏非。

福禍之來固自己曾何咎于無知然以災懼我者忠臣之事陳嘉瑞者謏人之辭懼災過可得而改吉慶之在我者去我將安之不告于余固毋損告何賢于先時又況是非無可必夫何一喜而一悲主人邈然不悅曰然則夫子喜烏而惡鵲與此北人之常也風土有不同好惡隨以異物不齊者物之情若之何槩之一致不有翁曰否否物情有是知之爲賢子自非知我者雖吾言無不既君子惟是之從何容心之有貳北人之好惡爾雖聖人猶無得而弃余小人也子何敢廢主人曰烏亦有異于禽乎何夫子愛之之深邪鵲微可尙足契君子之心邪將鵲聲鄭衛烏爲正始之音邪不有翁曰否否子無多言試靜聽吾爲若言烏之爲烏格而邪說反之正夫烏之爲烏也體旻天之正色稟陽精之至德懸象乎日中而光被乎四表烏呼之聲有

取于聖人而垂世立則禽之性愚可禽取諸爰名曰禽烏乎則殊察夫人之色異舉喑鳴而疾去尉羅謾張于郊藪續長詎發于庭除何施何設已保其軀其知如斯爲善惟樂太守賢則巢于聽事荆蠻遜則止其軍幕假神靈則飛而接丸應循吏則肉焉下攫至若人之急難父兄遐弃良平無所施其知儀秦無所張其喙于以夜啼所以釋臨川之懼于以白頭所以出燕丹之質在人則難烏行以易又若昭宗西奔唐鹿東走梁王興遷鼎之旅冢宰發謳吟之口相也則然于烏何有扈從乘輿以巡岐守朝夕名聞于漢府成此隨鑾之操守唐有隨駕烏昭宗西幸日亦從凡此數端烏之偉節瑣瑣細微無煩競列粵有大致加大焉請更爲吾子詳說烏性惟仁生知愛親念掬育之施大反本誓以終身無論寒暑反哺劬勤永錫爾類不于其身棲冠見曾子之孝

塊銜成李母之墳傷口以鼓聞遠邇舒翼以助哀昔人將以愧不良之子參乎用匹于先民夫烏反哺歸飛性天常也辟色知幾知識長也出類親仁物之良也解難從君禽之祥也烏之有是四德也而將之以見事之明執德之剛子不是賢而區區較鵠于利害之場哉夫鵠雖有辟歲知風之技而患不免于奪巢探卵又足于烏方駕而比量哉于是主人豁然若悟軒然而步嚙津徹會還其故處

鳶賦

嗟萬彙之叢夥慶稟天而自性或因類而殊時亦異情而一命惟孤鳶之挺質兼鷹隼之神俊凜凌烈之宏厲飈飛揚以時奮真鷲鳥之英標而搏扶之匪迅者也豈皇蒼之好德毒鵠鵠之靡仁損威稜于搏擊餘毛羽之形存忍癡腸之婁空曠爪吻其徒云彼燕雀之何知唧唧喧乎大厦

怛拳如之文鵠蹇桀然爲何者鵠孔微而云聾顧匪甘乎乃下相彼翎之文著觀眄瞿其翼落六翩翮其招搖上且憑于無莫何嗜樂之卑污會孔甘于腐璞舍血飲而毛茹牲體陳而肉攫睢盱漫其何以耿含靈之而度茲有以得侮于羣雛而爲禽之彼薄也走觀物之資性渺百生之誠一彼目狼以兢戰蓀虎皮而羊質舞獅人之爲誑陣象轟其駭逸匪葉公之知畫覩降龍而心失曾不如小鳥之知不視形而忘實也慨高飛之軒翥遠翱翔于寥廓振衣裳其楚楚爽精神之卓犖毋爲是鳶識而鷹章近取輕于烏鵠

胆賦

有膽而腴有滑其軀不翅而飛不足而趨甘帶而安于汙穢肉會兮肥腴膚客爲余言是曰唧蛆唧蛆之形蠢蠢冥

冥無鼻之馨無目之明孰沸于湯孰爛為羹繁庖廚之靡
清斯微物之化生或以為醯酸而聚蚋會露之來蠅也是
故胆之所萃為脩為膾肉滂之味八珍之類會經之貴皆
夫人之嗜也設有主賓戒會饌而變色牲殺備薦酒行拜
百有胆蠕而見焉則中筵之上未有不汙茵而噉席者矣
若夫溷坑圍廬青蠅每集飫滄而蛻蛻生下濕彼為何來
之扇者是亦見聞之氣習也會器而生嗜其何甚胆聞而
躍託言于噤請以事陳世蓋有矢嘗而疽飲者曾何加于
我哉不招乃來斯須已孽事有急難無施于事甘蟲孰生
嬰童小子蠹心罔覺或濱于死我形我蛻蠶之爾耳一杯
之水則彼垂亡而倏起矣天胡不仁生此微麼論功于我
猶不我可彼厖然八尺之堂堂方螂蛆而為瑣也會會之
餘君子疾夫君庖己調胆焉所居乃藜園蓬室之士猶糲
飯之不飽胆安得而會諸惟君子儒求諸鄙夫胆言感子
余是以書

哀白鵬賦

辛巳春武昌酒官修歲事植秋于次有鵬西
飛觸之以死為惻然賦之

哀白鵬之貞特亦性天于純德冠蓉砂之峩峩素濤翻兮
有服林樾居兮幽絕行有常兮時出不鷄仰乎芻豢雉有
慙其高潔歲日改兮王春百卉芳兮物新藏淺艸之亡幾
而奚為乎邇人傷人樂之及時仙半戲兮輕飛鞞韞建兮
蹴躐聊翱翔兮嬉嬉有來者鵬自彼荒苑疾遡風而西翥
昧人為之輾轉惟奮焉之靡顧觸會遭其東柱碎綬首于
倏忽飈毳毳而舞羽有颺有零渙血流纓降離龍之無首
霞爍霧兮丹翎神不及知聲不及舉俄而斃焉曷其有所

我心惻其生遠過城市而非空昧有進而弗視飛災是以
罹之信始安其故處羌高飛而遠舉矰弋縱其何施寄哀
思兮鄙語

風賦

有物營營有迹無形不喙而呀不趾而行得竅而聲滾地
雷鳴一息不停千里其程時畏而寒時挹而清萬彙以生
庶品以零飛砂一怒草偃遐征小夫不識請謁先生先生
曰是非虛隙之產號令于天歟至微至密惟力之全歟沈
潛靜謐可以激致歟發揚隱伏元之噫氣歟鴻鴻濛濛無
得無從鼓舞萬物名之曰風

良齋先生薛常州浪語集卷第二

良齋先生薛常州浪語集卷第三

賦下

種竹賦

沔鄂之都牙堂之背久廢弗治汚萊有穢徒脩竹而蒔焉
地不改闢堂不改舊蕭蕭然鬱鬱然不改時而有拂雲之
意矣方其竹之始生自彼空谷頽然而脩猗然而綠葉秀
卿雲雲興翠筠直節虛中羌來細風蔥瑣非春何凋凜冬
何華森然萬叢及其應人而出樹之庭陞修直依然不回
不易葳蕤之態困頓美人之春睡灑落之韻謫仙頽乎其
尚醉清飆時來振葉凌柯積翠招搖瀟灑交加夜風冽揭
朦朧素月瑣碎兮清陰橫斜兮錯節吾不知前日之蒼涼
與如今之煩熱也若乃旻天得助繁陰變暑蔭之以油雲
沐之以時雨翠幹盤根安安爾所稚子承承方流振古斯

又類物之攸裁固非人之所處也。至若淵明之秫潘岳之花好樂不齊咸宜厥家至人遐觀匪同匪異沈酗清芬各從爾志則夫是竹之清風斯子猷之遠致也。

大榕賦

越甌而南嶺山東麓有七閩之會焉厥都維福福都中閩城山塹水脩逵孔直麗譙南指粵有喬木根乎雌堂青蔥映帶經五門而之合江夾經途者凡十餘五里其爲根也盤桓詰曲勢浮平陸隱亘陵幹坤軸如山如坻崆岑蔽虧列岫奇峰幻然物爲蜿蜒糾紛蛇蟠鹿茸卷舒連鬢油如出雲樹無全株萬本同植縈連癰腫鑽堅露隙儔引儔緣自陵空碧和氣鬱鬱疣生眾醜備百怪形岌如神山冬無落木蒼蒼九夏森其翠幄枝柯離鼓橫從出奇翕如其合判如其離嗟如其往歟如其來天矯驪龍摩天切空雛翼

雲垂扶搖下風輪囷無心隨之有本孔綜根元誰分混沌軒然而大厦成蚴然而怪螭怒駢爪紛拏轟其八柱飛鳥千羣而咸棲有所綢繆束薪不堪以火盤根錯節而摧斤缺斧其圓也不中乎規其方也不成乎矩樵夫視而弗斯大匠行而弗顧以無堪而保其天斯所以邇乎人而壽莫之數也若夫景升之牛主人之鴈不善其鳴服箱孔鈍以不才而烹者何哉蓋豐肌而蠹夫人之芻豢也斯榕木則不然承天之施得生于地不假乎人不離乎類不以直節爲高不以孤生爲異凌寒而不改其操連理而不稱其瑞無庸而庸無尙焉爲其全虛愚之義也至于交柯旁薄根分合枝異生同命縈繚相維倚天成蓋蔽野成帷迷雲而零雨不下畏日而炎天改色邑人之依行人之得不才而才無似焉斯其爲大通之德也夫惟有大通之德全虛愚

之義守不才之位處無庸之地為物而物莫之陵比人而人適當其意其事也無施其生乃克遂是生乎通邑大都之間尚亦躡千齡而幾萬歲也走嘗聞諸西方之書曰尼俱律陀之木其子芥三之一及其成材蔭車將五百乘斯榕木者不幾于是乎今夫閩中之木榕為大其萌也微物莫之害有叢其芽翦然天蓋走不知命之者誰邪庸有劣其形而不文其內劣無文于內將或容于外而以成其大

鴈蕩山賦

走家東甌有祠祭田在鴈蕩山下行年三十而未之到隆興初赴調因取途焉愛其巖谷秀異無虞無錄莫之能名念其山水奇甲天下而未有文賦欲賦之未可也歸得建炎間郡丞謝君升俊山圖石本字多漫滅已而得樂清洪丞戴所鑿新圖并賦歲正月望始得皇祐校

書郎章君望之山記又假舊圖于葉氏以補圖缺于是圖籍大備顧皆敘次疏闊洪賦工矣而猶有未盡故為集略成賦得而覆瓿誠何望于左思擲地有聲信多慙于孫綽聊依準實寄意山泉云爾

溟渤轉乎東南鴈蕩鬼其高峙抱曾巒之四合聳羣峰之崛起仙凡道絕類隔一塵摩空下望儼若屯雲聊登臨以寄傲循石磴之縈紆移顧步于觀瞻瞥風氣之懸殊幽谷之中別有天地玉筍排空而剡翠瓊館憑虛而綺麗微埃不入其方寸赤土不畱其度內峰夏雲之競秀均倚劍于空同崢萬仞之嵯峨羅巧妙之龍從

章望之鴈蕩山記舉山無崖凡山有名號者蓋純石土山不與焉沈存中筆談鴈蕩諸峰皆峭峻險怪上聳千尺穹崖巨谷不類他山皆包在谷中自嶺外望之都無

所見至谷中則森然干霄

粵若遂初天愛其道靈山祕秀孰知其寶傳西域之仙書
肇棲神于羅漢

西域書阿羅漢諾矩羅居震旦東南大海際鴈蕩山芙蓉峰龍湫

睠人寰之緬邈極希夷之汗漫偏爲幽獨蓋始得于唐僧之詠看之不足此樵翁爲之浩歎者也

唐僧

缺其名

尋佳山水得鴈山而稱歎負薪老人遇而

笑曰我一生看山意不自足師果何所見而歎邪僧作詩曰天下名山曾過目無如此地偏幽獨路傍逢一白頭翁自道此生看不足

我國家太平興國之二祀天下車書始同有禪師曰全了菴廬初結于芙蓉

初全了辭師出遊師曰汝緣在浙東當得名山居之山上
有鳥山下有花全了抵芙蓉問其山曰鴈蕩曰此諾
矩羅之居也築菴曰芙蓉以處今爲能仁寺

行亮文吉踵于前甄昂作尉從而後靈巖碧霄贊旡而竝
露南閣白巖孱顏之盡剖起初凡七十又三年而後隴斷
之不遺蓋成終于皇祐之己丑

記太平興國二年丁丑僧全了始居山之淺者曰芙蓉
今承天寺是也至己卯僧行亮神服居山之深者今靈
巖寺安禪谷是也天聖九年辛未僧文吉得山之盡東
而居者曰碧霄菴今靈峰院是也于是有民居矣皇祐
元年己丑縣尉甄昂乃發蕩陰山水南閣地是也由丁
丑至皇祐之己丑七十三年白巖寺名在北閣

稱始開于祥符之伐木者故適當其會謂遷就于貫休之

詩者見不臻乎首。

僧貫休諾矩羅贊。鴈蕩經行雲漠漠。龍湫宴坐雨濛濛。是知水鑿之爲曉論。其又何知造化成功之不有。

筆談鴈蕩山天下奇秀。然自古圖牒未嘗有言者。祥符中因造玉清宮伐木取材。方有人見之。南有芙蓉峰。下有芙蓉驛。前瞰大海。然未知鴈蕩龍湫所在。後因伐木見山頂大池。相傳以爲鴈蕩。下有二潭水。以爲龍湫。又有經行峽。宴坐峰。皆後人以貫休詩名之也。謝靈運爲永嘉守。凡永嘉山水遊歷殆遍。獨不言此山。蓋當時未有鴈蕩之名。予觀此山。當是谷中大水衝激。沙土盡去。惟巨石巋然挺立耳。如大小龍湫水簾初月谷之類。皆是水鑿之穴。自下望之。則高巖峭壁。從上觀之。適與地平。以至諸峰之頂。亦低于山頂之地。面世閒溝壑中水

鑿之處。皆有植土龕巖。亦此類耳。旣非挺出地上。則爲深谷林莽所蔽。故古人未見靈運所不至。理不足怪也。沈括謂謝康樂時未有鴈蕩之名是也。按康樂遊名山志。神子溪南山與七里山分流去。斤竹澗數里。故其集有從斤竹澗越嶺溪行詩。今斤竹澗謝公嶺具在。不得言謝所未至。特未覩其邃爾。

乃其東望秀嶺。道屬天台。山川襟帶于四明。風雲呼噏于會稽。無非僊人三乘窟之宅。誰能見其一日而數相往來。其西則蓋竹雲門。白巖白鶴。魔軍退舍。而眞宅斯建。至神入竹。而誠明可作。洞天高遠。以誰訊。福地潛通。而叵度。陰有柎溪。其陽際海。斡地軸之磐踞。望天涯之斯在。崖有千里之石壑。有萬年之松。金雀么而不大。金猿線而多茸。樂官羣處而和聲。山羊歷險而純素。若夫王孫麋鹿。鷹鷂鳥

之窟

鵲眾獸常禽之類他山既多有之茲故不詳其名數

記有禽黃色而差小者謂之金雀禽有羣鳴而聲相抑揚者謂之山樂官有獸如鹿大健而能歷險謂之山羊白者如雪猿有毛如狨謂之金線此鳥獸之異者也

天青

山之狀也崇倚青天峻連霄碧凌霞傑出于疏雲疊嶂牽聯于紫極工如大巧特若小高三巨相形而岸巖獨秀孤立而嶽曹瑞星明而治世皆見霹靂轟而曠者不聞常雲舒而莫卷白雨霽而猶零牛女從橋而星河可度雷張望氣而龍泉可得璧月懸空而夜夜長滿朝陽薄暮而光明烜赫貫香珠之落落起祥雲之圍圍玉峰高竝于兩巒利孔開通于雙穴積翠合于拾羽之眾紫微居而眾星拱列觀架海之騰波浩浩望平霞之火炎烈烈倚天碧霄凌霞疏雲紫極大巧小高三巨獨秀常雲香

珠祥雲起雲兩巒雙巒雙峰雙穴積翠合翠架海皆峰名連霄疊壘朝陽平霞皆嶂名翠微紫微皆山名瑞星霹靂白雨騰波火炎皆巖名騰波亦曰藤布火炎亦曰火焰千里龍泉皆石名星河橋名萬年松名碧月菴名凡名號皆據記及謝升俊山圖洪葢新圖并賦兼聞見云

苞有菡萏菌有靈芝立筍圓而削玉丹桂茂而欒枝蓮花芬垢而木末可采圓蘿糾結而鱗比相差

圓蘿者

其于人也總者如角直者如指圓者如臍礪者如齒佛掌高而頂可摩神迹巨而武可履詣方丈而問維摩之居士行妙高而見香嚴之童子龕巧合于佛影得有同于僧寶

五通變化之有靈。三清逍遙而適道。天王朝祭而明堂斯在。西真翔集而瓊臺莫訪。對人道術之相忘。招賢仁義之爲尚。尋朝賢之舊隱。得侍郎之安居。觀音行而隨形。示現羅漢遊而飛錫騰虛。三傑際風雲之會。七賢從竹林之下。五老來兮書籍校。千里會兮德星聚。朝天義重于尊君。抱兒愛均于慈母。爾乃展旗障日。立戟排雲。關弓飲羽。長劍擬天。射堞遠而破的。馬鞍跨而絕塵。文筆擅場于文會。戴仁踐履于安仁。寶印得之而如斗。金鼎負之而調羹。鼓橐籥而布化。鳴鍾子而振聲。碑磨崖而沒字。鏡無心而鑑形。乃有琢雙玉獻連珠。咀文英讀靈書。對棋枰舉覆盃。振藥杵。火茶爐。益簪加導于仙冠。折角尙賢于巾子。藏珠媚而淵水不涸。爐藥就而羽人不死。行道周遭于石佛。栖真高蹈于迎雲。空洞虛而無物。雲霧合而神仙。

石
總角礪齒佛掌香巖雙童童子五靈三清逍遙天王瓊臺西真對人招賢朝賢七賢朝天抱兒展旗立戟長劍射堞文筆卓筆戴仁寶印石印金鼎鍾子石碑琢玉獻珠連珠覆盃藥杵石杵茶爐寶簪冠簪仙冠寶冠天冠巾子藥爐石佛迎雲皆峰名礪齒亦曰礪齒對人亦曰雙人戴仁亦曰對人天王亦曰神王又有影曰神王影排雲嶂名侍郎羅漢干聖文會橐籥文英讀書羽人空洞覆鍾皆巖名石指石臍石龕石明堂石觀音石羅漢石印石碑石鏡石棋盤居士僧寶三傑飲羽安仁行道皆石名羅漢五通五靈雲霧皆洞名仙人羅漢皆壇名維摩室名又羅漢閣名石碑崖名藏珠谷名五老臺名馬鞍嶺名神迹巨人迹也佛影合蓋龕石有影類佛云郭有石城度有石梁入有天門窺有天窗有堂有室有斛

有倉旌有石表蓋有版藏門樓高屹以超雲堯闕對峙以
迎陽澡身莫便于浴室修道何樂于禪牀考室而柱金矗
立蔽風而翠屏是陳版障駢而可隱行廊修而可循
石門石表版藏石屏迎陽版障超雲皆峰名紫翠屏翠
微屏皆山名石城東石梁西石梁石天窗石室石斛石
倉石門大石門小石門石門樓石禪牀石屏石屏風大
石屏小石屏石行廊皆石名柱金巖名東堯闕西堯闕
闕名亦曰堯窟浴室室名天門菴名
像有師子鹿影靈龜鯽魚三燕頰頰而穿幕戲龍驤攫而
含珠飛羣鳳之徘徊戲雙師之嬰鑠猴不可以加冠魚有
時而登陸羚羊挂角以棲止回鸞鸞翥以翱翔犬以警而
司門貓以游而在堂龍倦游而或臥虎已踞而更伏御火
共施于鴟尾照水孰然于犀角

師子鹿影靈龜石龜伏龜龜子鯽魚三燕石燕含珠回
鸞雙鸞石犬貓兒臥龍龍游虎踞石虎伏虎犀角石犀
靈犀皆峰名又羣鳳臥龍戲龍龍遊皆山名飛鳳鳳皇
小鳳皇皆巖名石獼猴石魚鳴尾伏虎虎踞皆石名羚羊
羊洞名戲師子雙石對峙如貌也

天柱之峰上凌空碧其旁無附其趾無蹠削貞珉而介出
崇高切于青雲圓度于規直中于紙望之者目極倚之者
驚神疑共工氏之不作不周末觸而今存此峰巒之峇立
者餘蓋不得而縷陳彼有同名而不相似者于彼吾又何
言

天柱峰有二大天柱小天柱也

其水則二龍之湫東瀑西瀑合掌摩訶劍鋒乳酪水簾眩
日以舒耀新月弓彎而出谷清涼之滴滴無已照瞻之澄

泓可矚。彼潭之泳者湖鰻。或澗而流之斤竹。決而下也。銀河瀉而垂練。委而去也。錦文鮮而漬淥。觸潛虯而聲韻。鸞和漱堆埼而皴如皺玉。委蛇而動行乎巖石之間者。何容窮盡。又豈祇清溪之幾曲也。

大龍湫。小龍湫。東瀑布。西瀑布。皆水名。合掌摩訶劍鋒。甘乳清涼。滴滴皆泉名。水簾。新月。皆谷名。照膽溪。名湖。鰻洞。名斤竹澗名。

泉流之冠。大者龍湫。崖犇如仆。氣凜如秋。界青山而澎湃。吸蕩水之宗流。上擬青空。下臨無地。霏霰雨霧之飄散。晃朗白虹之下墜。乍垂雲而零露。恍山崩而川至。雖淮流破。荆山之堰。曾不足以言其髣髴。眾水之淵。發源鴈蕩。厲巍巒之駿極。浸山椒之脩廣。箴竹叢生。以蒙翳。娑羅挺幹。以駢羅。征鴻攸聚。牡蠣生之。浮鐵船之蕩漾。沈古鍾之逸響。

記鴻雁以時而集。故以名。上多娑羅樹。大箴竹。案牡蠣。鐵船古鐵鍾。皆蕩中所有。蓋父老所傳云。

派旁泄之崩波。羌不以五水九旱而爲之消長。傳或謂滄海此遺波焉。今固莫詳于既往矣。

記敘水源。蕩水南出爲大龍湫。南東會于天柱飛泉水。流東爲照膽溪。會羅漢院水。南入斤竹澗。入于海。大龍湫分流而下。過石門。西凌雲之寶冠。古塔水爲長徽。原南入于海。石城之東。其水東流。會小龍湫。淨名水入水簾。回峰水南爲白溪。入于海。靈巖之陰。其水由真濟會靈峰。及西北五里。寶月菴之水。南流于溪。西會白溪。入于海。蕩水北出爲新溪。會寒坑。泄上大溪。又會湖南坑。版藏二大溪。東南入于海。

乃若浮圖天成。古塔神造。香爐旣設。寶幢載好。楞嚴翻大。

乘之典寶陀襲白衣之號高僧梵唄之相和仁祠金碧之相耀惟茲華頂花壇是陟居者有積行者有會

山中故事遊人皆傳會僧舍

無芸仙者之田每駐遊人之展然雖曠世而彌年猶未覩周遊而涉歷者也

古塔香爐華頂駐展皆峰名寶陀楞嚴皆巖名寶幢石名花壇亦名羅漢壇仙人芸田在北閣

爾乃樂成首路東驚幽尋絕白沙之古塞陟峭嶺之芳林秣馬于芙蓉之驛驅車于長徽之原招提寶塔屏障橫焉千巖萬壑是途伊始扶筇竹以自杖展登山而後齒于是奇巒卓犖怪岫崢嶸傍顧而塵慮都息商羊而油然意生記載遊山由歷爲詳今存之其不見于記者蓋之記山去縣七十里而遙越白沙武缺芳林三嶺達芙蓉驛逾

姚奧嶺過長徽原至山之古塔菴凡菴皆僧廬也石達之峰有連珠靈犀師子仙冠立戟石表其巖羽人其石招賢案今菴皆爲院院有古塔石屏版障峰

登寶冠之蘭若跨飛瀑之脩梁引仙簪而峩首裊熏爐之裊香前眺諸峰萃焉亭直

記入東北十三里至寶冠菴以巖名其峰寶簪招賢其水瀑布其泉清涼漏巖而下又有石梁石鏡按香爐峰在瀑布西

揖雙人而問道屆凌雲而一息九龍垂頭而來下梅霖飄灑以雰零洗余心之宿絮拂襟袖之泠泠望銜珠而返顧跨伏虎于石門

記東三里至凌雲菴以峰名含珠朝陽合翠芝草大石門天柱梅雨雙人峰相竝也今按梅雨巖名九龍

頭石名記東二里至石門院其峰天冠伏虎五靈雙穴其巖寶陀其嶂連霄按石門院以門名

里連霄之十五窺蕩水之靈源凝神寓目千里爲近羣玉浮天全乎一瞬

記出石門院西北過石豕登連霄十五里而遙蕩頂大泉渚焉此山之甚高目處而羣山層列于左右前後僧

云五十里者多辭云四望而及達必千里度東岡之桐嶺禮化士于雙巒

記石門東五里至羅漢院其峰童子文英石龜及兩巒其嶂朝陽連雲其石連生于山腰長覆其下曰石行廊

按圖石羅漢在焉指游龍與戲鳳鏡三京而瞻寒

樂清縣圖經鴈蕩山三京灣按隋圖經云溪清如鏡無

所不容贖之不濁唐刺史張又新有詩今名照瞻溪云
大屏之下寺曰能仁四溪交流竝湊天門舞羣鳳之垂天
儼華陽之挺立吞眾壑以朝宗拱萬山之環揖是雖奇峭
無多焉故已冠峰巒之業岌也羊腸回于六八俯在下之
藁山羌有鳥而有花悟達士之微言

四十八盤嶺望芙蓉山其嶂磐錯如蓮華

回巒之嶂隱若金城漢唐道隔言訶天升惟隱顯之有時
殆匪由于人力何先古之神闕須後來之判剔

記東北四里至承天寺其寺前之峰聳如卓筆曰戴仁
寺西曰棲鳳山又東南隅二峰重沓如屏曰華陽西南

一山回合若城曰回巒嶂東北一山勢若龍游曰戲龍
北應紫極常雲西北山曰羣鳳皆連揖相望如敷連環

合前溪有大石柱二相向若筍曰石門下一里有龍潭

二照膽溪夾道西流西南一水又正南一水會于寺右
前流翠雲亭西北一水流寺之左會照膽溪流石門龍
潭斤竹澗是以九峰四水叢聚之地謂山之宗始云
載旋余步溪澗攸行天柱華嚴接阜連岡躡曾巖之鹿苑
窮透邇之淵泉屏彩翠之蒼蔥聽天樂之喧闐仰大龍之
懸水飛小雨之濛濛樂尊者之優游得從容于下風

記西北二里至普明菴西渡溪而入北至天柱菴山曰
紫微至華嚴院峰曰陵霞北至瑞鹿菴以巖名其峰師
子石碑圓蘿立筍削玉其山大者曰翠微屏其石鴟尾
凡三菴相去皆二百步而近案瑞鹿院前僧道親遇老
人得龍壽丹之地記瑞鹿西一里谷曰大龍湫瀑布下
流百丈而入于湫天樂宴坐香爐三峰在南按湫上今
有尊者菴

指普明而回御探龍窟于飛泉

記普明折北六里至飛泉菴有泉自巖飛而下爲西龍
潭有山中斷曰小石門

勒鞍馬而東之望奇峰之隱天觀音大士如住虛空漠漠
行雲誰尋舊蹤

記東北三里至石城嶺嶺東北三里而長下嶺道二百
步有峽曰經行北入十里兩山壁立以相向如門闕其
石色黃其中峰巒秀拔有溪泉瀑布經行之東其峰筍
石茶爐其巖白雨又有臥龍山其石虎踞覆孟按石城
卽馬鞍嶺也北望長雲巾子諸峰觀音巖等歷歷明甚
安禪之谷萬嶠宗焉大筆書空一柱擎天重樓峻傑以連
蕓雙闕當塗以相向天聰吟嶺其四達自在慈悲而有像
龍蜿蜒而歸洞離小湫而擁曳發在定之熏聞鼻凹窪而

出涕奮天然之鱗鬣回玄造之頭顱諒茲山之多怪猶斯巖之匪如

記領行八里至靈巖寺所倚之山曰石屏風其峰天柱獨秀寶印招賢師子卓筆堯闕伏龜重樓雙峰其巖橐籥柱金石指讀書神迹楞嚴龍泉文會礪齒火焰其嶂平霞其崖石碑其湫小龍其石僧寶其洞天聰羅漢其谷安禪藏珠其泉合掌摩訶又有石城石明堂石魚石倉石斛石龍西石橋按龍鼻又有石觀音

摩虎口以東逝瞻石神而近止訪淨名于丈室挹乳泉而一洗乃觀初月乃下虛簾蛟人織素近在危簷

記東二里道北山缺而穴者三相去百步曰冥坐巖虎口巖石龕其嶂排雲在道南其峰大巧在道北東二山相對道出兩閒曰石門峰東三里至淨名菴其峰天冠

後三峰曰總角金鼎蓮花石神迎陽其名居士西小石屏其谷水簾新月簾狀谷也按圖有甘乳泉

閱靈峰之景物奇特亞于靈巖犀黑闇而通天龍神游而處潭五雲閣道應真矯矯谷有靈珠歛生芝草入會賢之空洞仰虛室之豁豁信真如之可學烹乳茗而生葩

記又三里至回峰菴嶂曰疊疊谷曰靈珠以泉名也又東三里二山之間至靈峰院西方山曰大小石屏嶂曰凌雲其峰最高者碧霄五雲者以數言其下蓋五老臺云倚天鳳皇超雲丹桂香爐朝天其下有白雲菴藥杵戲師子石犀架海朝陽靈芝靈龜雙巒其巖西真神王石濟脩道赤石巾子侍郎騰波其洞龍遊羅漢其壇曰花亦曰羅漢其谷會賢其石飲羽觀音含珠亦曰神王又有龍潭石獼猴石浮圖星河橋石室按圖有羅漢閣

今羅漢洞烹茶往往如花乳

金掌高呈亭亭空際訪三賢而景行遂回車于真濟

記靈峰之陰一里有峰曰佛掌因其下穴而為菴與疏

雲面屏三賢小高菴菴玉口而七其巖逼田隱真又山

日紫翠屏西北四里至真濟菴十里而西有石門樓按

今惟佛掌菴為菴如故

過胡公之棲宅

記侍郎巖為胡兵部居之

遵靈運之迷途

記靈峰東一里謝公嶺山之東盡于此矣王侍郎十朋

白巖院佛殿記謝靈運蠟屐遊山而不知有鴈蕩至此

而返

造石室于東梁高禮佛之勤渠

記嶺行一里石梁菴因梁而名按石梁後有石室前對
禮佛峰新舊圖所謂石佛也

亭白若而下道窮二閣于蕩陰忘散漫之岡巒蓀無隱于

追尋北有白巖石谿九折山橋跨焉巉巖影絕斯蓋水之

奇也履芝田而種玉煉爐火以飛霞企時人之不及厭時

俗之囂謹過湖坑于南閣義土藏之孤高壯瀑水之洶流

訪仙隱而遊遨

記東南三里至白若驛西北十里外有南北閣二村相

去十五里南閣西十五里有院曰崇德北閣西北一里

有院曰白巖相去十里而遙眾山中惟版藏土多石少

在南閣西七里蕩陰之最高也崇德南三里湖南坑蓋

山之罅接蕩三里高泉瀉下大龍潭在焉其瀑布為最

大有隱仙巖蓮花寶幢四照蓋大石相倚也寒坑泄去

北閣十五里其水與台州西界相分九曲行于石溪出
白巖東無亂石焉此水勝于山之處也有鳥巖石竹廊
煉藥爐仙人之田王子晉仙橋散漫遠矣其深者去白
若五十里而遙去城迂僻好事者莫知故難見也
至窮途而輒哭等遊夢于華胥問山僧以前路固有匪吾
人之所如者殆不可以窮竟又安得而論諸
聞之山僧靈巖山間有石室中有石羅漢十六又羅漢
院旁數里有平原彌望雙貌戲焉皆未攷
至若大洞神山仙靈是宅龍湫宴坐者諾矩羅之住世
西域書阿羅漢之在世者十六諾矩羅其一人也
虎踞守護者蔓定僧之衣祴也至人遐造踐迹無同運無
方之玄化闡不二之宗風說法詎離于在定經行何聞于
神通

陳州商水人陳覺字夢得遊山東峰望西巖一木如蓋
攀蘿捫石至其下藤蔓纏繞如石視之入定僧也觸其
衣隨手而化乃菴其旁閱兩月僧欠伸開目曰吾有衣
寄巖間有虎守之持吾錫杖取衣虎不加害覺見虎而
示之杖虎搖尾去之僧引蔓授衣有入肉數寸者爲之
說法鳥獸鬼神皆來聽受覺因得度世法後人呼其處
爲說法巖

聞繡地于偷桃之客

近靈巖寺僧遊山迷失道路循小徑至一處有茅舍數
十家皆有方士也見僧笑曰此僧亦知遊鴈蕩乎方沍
冬而桃有實僧折取數枚懷之方士呼童奪取其桃僧
因恍惚過山椒則明州天童寺也

神飛于窺鏡之童

紹興末平陽獨嶼李氏子跌宕不容于父方士將以東遊不移時達孝義鄉橋下辭不能進方士出一小鏡使窺之恍然抵一山寺苦辭不去俄若夢覺視僧舍則靈巖寺去家數百里矣

龍丹成于老父九二讖于元豐

元豐五年僧道親行大龍湫道上逢一老人自山而下履木葉皆無聲呼僧與語付藥丸如彈一曰爾速入京以進藥乃萬歲藤膏熬成名龍壽丹以金盃玉盃研之三日九服可保九二之數道親未行數日又遇之仍趣其行道親至都聞神宗不豫詣都省言狀執政異而不受上聞而取之問所欲言道親言老人但戒太歲本命四立日慎酒樂乞濟窮民及禁天下捕龜上命中臣梁從政以焚香至鴈蕩山訪老人無所見八年立春上得疾

病革皇太后得藥于睿思殿進之乃上手自封識上崩蓋在十八年事見實錄

了世緣于國秉

秦太師檜嘗夢抵一巖洞有羣僧環坐曰尚憶此乎秦瞿然悟身之爲諾矩羅也僧曰公世緣未了姑去後經鴈蕩觀羅漢洞如所夢作詩記之有欲了世緣何日了之句

夢頽像之形容

尊者菴經魔賊焚蕩廢不復理捏像亦壞紹興間婺人向氏山遊夢僧械金欄而不見首明日得老父介遊大龍湫至則失之視諾矩羅像則夢中所見因爲築室塑像焉

神屠履崖以如地

作尊者菴工有無肉之歎俄有屠鬻豨肉者其去履崖石如平地以爲羅漢變見云

間思光焰以如虹

觀音巖時有光怪如虹蜺

盜道而江波激怒

龍鼻下觀音石比爲一監司持去及渡浙江波惡甚懼

而投諸水刻石像送鼻下非復曩時天然者矣

觸鼻而涓泉不通者

舊傳龍鼻二竅有水孕婦或以手觸其一泉流遂涸

非人耳目之所到而又烏得以議其沓隆也惟茲山之神秀嗟近在于人間曾趑步之不到乃窮人而上天化石橋于北閣企斤竹之飛泉

謝靈運從斤竹澗越嶺溪行詩有企石挹飛泉之句

抑子晉未成于羽化而謝客不得善于遊山也今夫天下之山江東居最永嘉富甲于江外而鴈山爲大焉可爲超羣而拔萃矣他山之秀必應稱妍陽臺十二秋浦九蓮詩文振古名字喧天僅得此山之一正一壑猶拳石之夫何足言所謂夷泰山而吞雲夢者惟鴈山之蕩爲然

良齋先生薛常州浪語集卷第四

詩甲

近體五
十七首

誠臺春色

四言

鳳闕西岡郎亭東乳惟竹猗猗誠臺有楚苔痕春綠玉李
晚風屏山坐對青蔥數峰顏牆色弄文杏新紅爭鮮競秀
芳隨意遠各稱時宜自成深淺妙意誰傳叵形罨畫羲皇
晚生先天後卦江湖漲綠旋拍滄洲晴嵐翠滴烟瘴悠悠
篁鞭破蘚柳帶縈愁亦有江梅花殘未落弄音好鳥笙簧
度曲埒如瓦鼓幽獨是稱兀坐頽然邑荒無政新陽多感
雷鼓轟天清淮咫尺狼烽夕煙暮四朝三誰爲第一不知
其它且以永日

春江夕泛二首

短棹春江裏桃花流水生天高裝鏡淨岸遠筆山橫落日

無窮意丹霞逐旋明何時遂歸志一葉任縱橫
夕泛春江裏扁舟萬里心仰頭竟空碧疏樾成清陰浩志
曷可遂歸懷詎能尋波隨亂山急意若口流深日落洲上
葦霞生霧堆金重淵狎已貫飄風顧難禁岳巒多李花冰
霜積梅林爲何縱松舟且以開吾襟迎送未云已浮雲逐
行吟

俞氏園林

茁茁桃與李生花故城山修竹共娟好流水相往還天遠
峰可續人來心已閑殷紅閒蒼白晚吹催潺湲吾邑在何
許滄波對重關煙霞蔽落日葦葦深前灣送客時已到遊
人意長慳高風怒濤作卷雪會餉閒官禁不可脫歸哉望
爛斑

石門漁舍

漁家在何許躋駁巖下石花樹幾株芳湖山數峰碧窠樽
亭遂古雙闕天自闢錦繡入茨舍藤蘿封笙柵吾爲江上
遊形苦世閒役心馳定沙步舟行過簷隙浪翁底鐫銘太
尉此居宅豈若斯人徒風雲相主客

元夕

元夕不作會蓮燈相照明影光嚴鐵馬謹譟合金城發策
悶如醉中庭空自行月娥雲鏡暗樽酒爲誰傾

時唐鄧邊報方急

月夜郊行

曠野久晴霽月娥添夜明光浮滄水白寒徹續衣清頗復
藍關意端爲剡縣行灑然天宇內應不負平生

讀書三首寄景望

春秋

此偏安之慨而奏議所謂自洽

非復東都會書王春又春退風飛宋鵬遠狩獲西麟孔志

知安在幽詩難重陳焚香掩卷坐歌詠忽臣鄰

山海經 此別當時權臣

帝江無目面歌舞識成音形天斷厥首操于意岑釜大化
浩難量懸解在明心舒嘯東臯上薰風五弦琴

韓文

退之強解事剛不信神仙所作古意詩甘心玉井蓮沈痾
痊不見險絕慟虛傳賴得華陰令聲書言豈然

遊竹陵善權洞二首

萬古英臺面雲泉響珮環練衣歸洞府 澗水倒流入水洞中 香雨落

人閒蝶舞疑山魄花開想玉顏幾如禪觀適遊鮒戲澄灣

寺故祝英臺宅唐昭義帥李蟻嘗見白龍出水洞而為雷雨今小水洞存鱧魚四足

左右蝸蠻戰晨昏燕蝠爭九星盞照三洞獨何營世事

嗟興喪人情見死生阿誰能種玉還爾石田耕 山有三洞九斗壇故

更寺觀者不一載有李後主斷還僧寺批札石記語極可笑大水洞有石田數十町奇絕

都場正月盡未見梅思雪中石門之遊作

千里春何晚三旬暖不回眼青暝縣柳粉白悶宮梅麗水

年時泛桃花雪裏開軒轅正一夢懷往意悠哉 石門之上

謝客窮幽處仙宮隱薜蘿二峰峩魏闕雙瀑瀉天河狢狢

應難致猿猴卻患多雪中山更好淹歲定如何 狢狢皆出

狢類猿而綠狢類狗而黃蓋猴屬之大者狢讀如廣始所謂狼抗也狢字書音黃土人作去聲呼之狼讀如朗

梅花

花實望先進英華標素王 仙家號梅為花王 竹籬眠夜月風雪傲

寒塘皎皎曾無對淒淒忽有香和羹須鼎味盛服也霓裳

吳江放船至楓橋灣 所謂越來溪也

短篷負長虹破籬掛明月風馬座中生天幕波中出高城

多隱映。遠岫攬羅列。少小泛吳江。始識仙凡別。

讀春秋有感。

巧辯雞三足。曾窺豹兩斑。鳳衰歌已過。麟獲涕爲漣。安作南柯郡。閒爭左角蠻。夢回無箇事。風雨度前山。

送士昭兄赴南外敦宗院二首。

人道溫陵郡。山川似洛陽。懷兄尙淹滯。敦族暫翱翔。會見親先漢。方期變有唐。萬安秋夜月。多稱古文章。
未指志意
憶昔南州去。松根眺邑鄜。鳥啼雲裏樹。人入洞中天。載陟今時路。須航古渡船。地窮巖嶮盡。蚤晚濟平川。

觀天德圖像二首。

函封傳遠邊。瞥見藁街懸。虎喙終爲噉。狼心約下賢。時無漢延壽。天奪晉苻堅。請決春秋事。陳侯訃豈然。

鳴鏑心何悖。投鞭計亦休。傳聞廣陵散。因作畔牢愁。灑水

眞同道。黃池故不侔。見遺天授像。看是郅支頭。

傷淮帥

時戰敗未知所在

淮浦天龍戰。居巢塞馬歸。陣傷軍背水。機失寇踰淝。越石知何在。虞君恨曷依。都緣生過涉。誰爲斬何徽。

袁口回棹有感

放舟谷里口。乘流楚江干。釣臺亦已墮。大舶寧長安。春度亂山綠。風回平水湍。何須問今古。劫劫難爲觀。

白髮

浮生寧久客。罷沐彈冠幘。芳樹幾時紅。童髮半莖白。千月浪翻濤。百齡駒過隙。多少少年人。烏頭問華篔。

樊口晨泛送程端卿

扁舟送歸客。萬籟寂無風。宿霧青郊暗。卿雲碧嶺空。水清明去鷺。天遠入征鴻。日腳中流見。委蛇走白虹。

寒溪堂有待

疏雨渡西關寒溪亦厚顏風和沈白浪雲斂出青山浩蕩
鷗偏適翔飛鷺自閑可堪泥染鞅行客馬班班

元夜齊居

漢家傳舊事太一祀中庭宮架崇喬嶽銀缸耀列星九堦
塵擾擾萬室火熒熒兀坐聞迂叟無人尙典刑

讀列女傳

一避先生席鏗然鼓瑟希功名窻紙薄聲色路塵微大禮
無通問清談浪解圍黨人狂斐甚猶有詠雩歸

讀骨鯁集

幾許興亾事全歸喜怒中鸛鳴非雨候花落任春風龍馬
符雖在檀槐戰已空未須悲麥秀三道有車攻

縣民訴事有以禪僧見況者

訟庭披訴者道我似禪僧不悟無生理安知最上乘修行
心懶慢盜睡日瞽騰說法還知否官非所能

士昭兄琴室

弄琴函丈者無始到來今韶濩五弦上乾坤三古心荷香
流曲沼烟雨抹寒林閔子罷傾聽何人知此音

無眠

丙夜不成寐可如心念家人情風上艸身世眼中沙宿鳥
司更漏黃蠶集晚衙了忘官府事高枕是生涯

武昌射圃後山與江接走植柳竹方茂每爲民家

羊羣所斃日有毆羊之事昔贊皇公以祝雞翁
自況走亦可謂牧羊兒矣

有欲卽有累無營了無爲且非割雞宰豔是牧羊兒甲解
木方遂苞屯芽定葵江山萬里道好去莫遲疑

乳鹿或得之近山既不可縱畜之更日而馴走命
之曰山友

駒鹿何年致它山小水濱呦呦興念母麇麇熟依人物性
初無定野心時亦馴故林迷町疇結友幸相親

乳貓

乳貓毛比雪卉服絮成衣扼鼠氣方盛倉牛形但微紛拏
殊矍鑠上下擬騰飛幾許明眸子虧盈望日暉

芍藥

萃拔秀羣芳花閒得素王牡丹紅樹色茵蔯碧池香融洩
云何樂熙怡日是常問人伊謔事士女熟相忘

殊亭

指掌視吳都遊人望已殊清江浮吃岸綠野漲春湖我乏
泉明事誰爲漫叟徒醉心尋古記始信不虛誣

寒食雨

風雨逢寒食天公涕亦潛柳眉鬢絲髮花淚溼朱顏貼嶠
雲橫水藏舟霧障灣燒痕青已徧若箇子推山

客裏換春衣寒風帶雨霏漸班榆火禁初感塞鴻歸柳絮
鶯啼亂梨花蝶趁飛上原壇祭耳悲念切更微

袁口舟行值雨

樊楚勞形甚將迎一遡流棹移驚立鳥帆遠亂浮漚落漠
江皋樹依稀荻岸舟烏雲鳴雨急還我舊神遊

醅釀雨後

晚晚春闌雨醅釀花意秋雪飛香霰集龍鬪玉雲浮外戶
楊青眼中唐浪白頭夢回人不見心醉兀悠悠

玩世無心子成功不義侯升沈三躍浪聚散一浮漚守郡
官槐木王家夢鬪團團天上月猶自曲如鉤

榕花唐玉蕊花介甫謂之瑒花魯直謂之山礬武
昌山中多有之其葉可供染事土人用之釀酒
榕綠吐瑤琨冷然郭外村仙人來玉蕊文士立山礬芳澤
留絲素風流付酒罇莫言瑒酷似香處不勝繁

春霖未霽澍雨大作

甚雨過清明侵淫不肯晴天占符後甲人意失先庚陷路
河魚上堦塘野草生早來雲陡黑流澍霽閒成

書江表志

株守生財道棊醜正國成周王方虎噬唐后獨牛耕軍罷
心忘戰民勞勢自傾誰如內史鉉求伴大夫平

夏日晝寢

至樂歸靈囿棲神得睡鄉青奴涼白愜班友夢偏長莫管
黃梁熟何須綠醕嘗知他人世界若處有虞唐

夏口懷舊

夏口傷前事毛精淚暗垂白龜生不報黃鵠去無期嶺雪
炎雲熾瓜田古岸移戰塵愁滿眼聊付一篇詩

寒溪寺拈香時國喪罷宴錫已三歲二首

社舞莫嫵媚當修晉白蓮林梢開遠嶂花片落寒泉鐘鼓
鏗鏘甚松篁影帶妍如來本無象長老亦逃禪

律寺久矣昔者溪為虎如今突慙煙萬松晨逕滑九曲夏雲連

畦町苗初實池塘滴尚涓潔齊朝五日清淨樂三年要祝
南山壽南山壽十千

朝衣結藍綬古刹禮青蓮孺絢林閒樹琤琮竹下泉晨曦
方散彩曉宿有餘妍聚石應聞道無人為說禪路回荒翳
目江遠望生煙略約溪源舊孱顏嶺岫連清神山歷歷洗
耳澗涓涓菩薩行觀世封人願祝年更須東畝粟長穗滿

三千松滋早禾已秀

石榴花

國色宜炎夏宮裝染絳紗
蒼崖陸渾火朱景赤城霞
顏駐福州東山有梅花洞

武陵桃花源比也

自訟

學問非干祿宦遊端為貧生
慙挽船令羞殺采芝人
求牧知平陸無漿賣棘津
讀書心愧否何日是來春

讀李斯傳

上蔡游公子真情本自愚
五刑身具論七罪法當誅
逐兔蹤牽狗秦效擊胡明功與周召為問驪山徒

宿低寨遇雨

酣睡忽驚覺空牀秋氣清
四垂來雨腳萬壑漲灘聲
飛酒

穿戎幕淒涼悵旅情
緹幢高臥者應更薄書生

至信陽宿蕭安撫寨蕭虜後將去歲陷信陽者

左角語爭戰南柯聞大犇
胡為控弦去猶有覆車存
行客應貪路邊城不閉門
夜眠思往舊空淚溼牀痕中州雜記

別元可元亨

去矣鳴夷子片帆移夕陽
意深三折臂情結九回腸
風雨思無晦江湖道可忘
死生猶暫別萬里未為長

縣有父子訟者走以魯人之法聽之喜其改悔而

作

父子本天性情緣私愛睽盪
留今夕忍無作望思悲克己
歸仁禮回心即孝慈同年
千古意聖相不吾欺

樊岡雨後瀾望皆平蕪綠草無復花矣

候客樊岡道新晴致日佳
萬般詩外意百種夢中花
蔓綠

鋪平野江流襲漲沙無如石頭滑龍首粲新芽

良齋先生薛常州浪語集卷第四

良齋先生薛常州浪語集卷第五

詩乙 近體詩七
十一首

漁父二首

蹤跡五湖浪生涯千尺綸是非寧入耳榮辱不關身獵獵
菰蒲暮淒淒浦溆春何時共簑笠和雨釣青蘋
紅蓼白蘋岸清風江月明萬波千尺動四海一漚輕濁酒
醉獨酌鮮魚飢旋烹興來歌欵乃煙雨過前汀

筠鄉新筍

根節凌槐夏風霜閱草春此君椽筆健稚子錦綳新有待
瞻淇奧行將滿渭濱狂鞭任奔迸我不是饒人

白菊

不著金縷衣寒窻弄明月端宜裝淡泊自是香蓬薛臭味
真可人風流到華髮試為問東籬定得淵明骨

丁香花

別是南州種寒花七里香鄂人號玉笋駢寶髻金粟綴銀

璫自得山林趣不為時世裝紫霞休騁瑞未及野梅芳

立春

誰得東君信風生十萬家土牛占穀麥灰律動蒹葭嫩綠
萌芳蘗新紅茁綻芽未能都免俗春勝插春花

雪

怪得寒風瘦窻明積漸加起來裘潑水逆視竹生花厚兒
分羣品新裝副六珈飄零飛落葉轉動絞回車無定從高
下忘形變邇遐郊坰鋪毳罽砌撒江沙灑壁侵修飾填
坑旋不窪屋頭昂怪獸山脊走長蛇萬木枝都亞中庭石
盡遮獅符蹲踞龍井噴增呀撲可輕盈甚裝衣點綴斜
礎閑開匣鏡碑什插梳牙同色連千里虛光合萬家壓災

時世重為瑞老農誇勢極雲天際威凌凍水涯凹兜坡嶸
昨條突樹牙槎客子衣裳怯王孫酒力奢影浮垂繡幌香
帶落梅花簾籜知神女門屯想夜又未能三十韻旋淪試
烹茶

郊迎趙漕

叱御逆軺車愁先負弩驅虎頭晴在望羊角淖盈途草莽
迷行跡湖山曲畫圖傷今又懷古坐睡覺吳歛

傳聞北虜請和

會稽吳功薄夫椒越報深漢驅胡遠遁周任狄來侵賴是
佛狸死何當頡利禽請和君信否無故莫容心

梅雨

霖霖雨黃梅凝雲縮不開心知養苗稼眼見長莓苔密篋
幾如漬崇墉勢欲墮鬱蒸任炎熱誰解酌金壘

遊飛霞洞

橫塘富花柳，杳杳鏡中行。樓觀朱涵壁，洞天珉掩閣。林深暮雲合，地僻夏寒生。康樂屏巖靜，鳴榔時一聲。

龍翔寺

二江涵古寺，雙嶼聳平沙。翠浪環流淨，金城到眼奢。水光搖殿閣，塔景動龍蛇。不減蓬壺意，屯雲未許遮。

酬張縣尉

久客多塵滓，心懷爲子開。文知龍有種，名苦雉爲媒。但得貧無累，何嗟去不來。吳門眾多士，待爾和羹梅。

元夕憶世母

三八母生日

蒼天毒我生，顧復自孩嬰。元夜維蛇夢，三山壽罽傾。星球明炬赫，鼇島峻崢嶸。樂事都如夢，傷心母道情。

拒霜花

蘸染木芙蓉，深紅間淺紅。錦籠烘夕照，翠袖揖秋風。豔冶歸尤物，淒涼識化工。拒霜高節在，不藥謾成叢。

早行

旅枕罷殘夢，明星懸屋椽。不辭風露冷，欲了東西緣。雲馭方擎日月輪，猶印天波波。定何事，羞死地行仙。

天陰

梅月乍開霽，油雲閒卷舒。溢光穿隙日，浮禊出清虛。鼓吹蛙聲亂，笙簧竹影疏。雨來三四點，靜覺打籬籬。

告歸郡不得請倦于將迎之勞

閒居百不憂，何事武昌遊。旦旦三江口，時時十里頭。箇中都是妄，此外竟何求。生被浮名累，將迎卒未休。

味爽寒溪送客

攀援長者車，味爽踏汀沙。片玉山銜水，堆金日蘸霞。風來

雲外嶺露重竹閒花好景看如客心閒卽是家時客便道過家

二十三日送客寒溪還視邑事會時過節推周文
猶高臥未起惕然嗟羨以詩戲之

驚起周公夢三竿日倍高被氈吟不用州縣職徒勞脂轄
驅郵置金車困賊曹幾如陳處士龍臥楚江皋

夏日江濱

鳥迹鋪天篆金波漾日沙鷺拳巖積雪風勻浪飛花江斷
客帆入崖回山影斜峰雲青入漢略約二三家

聞黃仲益雲夢辟書報命

三府書交上羣公座盡傾量包雲夢嶺名動洛陽城雞肋
刀焉用牛腰軸定盈江南望江北無可贈梅英

讀蕭銑傳

不假成田勢寧堪麥秀悲青氈梁舊物赤幟漢威儀剛被

農家誤俄推鼎祚移江湖百郡地只自黍離離

讀丸國志悶書

弔古因紬卷傷神卻皺眉蜂房開自牖蟻穴潰成堤不苦
南風競長懷北馬悲陽曦曜星月還有饑西時

被甲

儒服便章甫戎裝乍鐵衣幾曾生共樂猶有死同歸著屨
惟何甚乘車未遽非愧酬軍旅問先見少知幾

曾陽回棹

沔曲回晨棹驚飛羨水禽波紋沙隱見山影浪浮沈色動
蘆花雪光搖日腳金扁舟歸未得惆悵五湖心

讀三國志

左角蠻攻觸南柯檀伐槐徘徊記名字人物委塵埃錦里
昔曾到樊川今此來遺風不可見觀古意悠哉

讀史

信乃噲等伍宏與滔比肩譽士未爲過出跨真能賢物外
體三極環中無二天傷哉千古恨顰蹙陳編

件落回路得家書是夕有歸夢

夢入江南路依然識舊廬家人話生計兒子督程書繚繞
俗緣在纏綿習氣餘金雞驚悞我安問未爲疏

三月七日按雲陂莊還宿舊州寺懷松楸作

不學老農稼而爲田舍翁劬勞方軫慮定集竟何功心慟
煮蒿氣時寒疾甚風年時尙壇祭廢絕意奚窮

山舍三首

髣髴依蠻室林端鳥道縈煙疑雲異色松接澗同聲樹古
龍蛇蚴巖魄虎豹猛野花舞狂蝶栩栩夢莊生

塢闊磨麻小奇峰疊翠屏巖頭通鳥跡山脊走龍形峽斷

風偏勁林幽天欲冥流泉不知處虛谷響泠泠

寂寞無塵事茅茨秀嶺連密蘿蒙灌木亂石隱流泉蟬噪
雲閒樹鳥飛山外天孤雲自明滅應達主人玄

觀碁

戰伐徒形似死生俱妄爲爭先明有法當局自成迷多算
非關劫成功定出奇兩情深海若不比看人知

昇仙寺 三寺賦

羽翼假真仙飛來秀嶺巔道高還自正境寂若爲禪寓目
山如礪昂頭浪拍天閩城多少地鷲歷帶平煙

丙子歲春

物極雖云反寒威何太衰東風入簾幕生意滿林畦古木
含新綠仙葩吐舊枝陰晴苦不定中夜忍聞規

江行卽事

春信潮聲急，滔滔掩岸沙。客船離浦激，漁笛起蒹葭。盪漿水光碎，轉山帆影斜。篙工指煙樹，依約有人家。

雪銷

旬浹雨銀花，山林盡綺羅。東風雲氣滅，南紀日光和。皓污應易涓，涓滴轉多冰。生又冰釋，天道竟如何。

讀大定書詔

竊國盜仁義，驚人新見聞。腥羶冠冕俗，穢雜犬羊羣。孟獲尚七縱，匈奴非五分。啓民身薙艸，爲有鴈門軍。

誠臺雪望懷子都五首

不見子都子，誠臺一壯觀。爛開梅骨峭，高聳玉峰寒。誰共雲霄目，詩亾錦繡肝。夢魂千里道，應更酒腸寬。故人一相遇，七返霰瀼瀼。辭采應奇甚，顛狂卽在不尋思。落帽會乘興，錦官遊皎皎。誠臺暮詩腸，獨自搜。

白也今良嗣，千年壁一雙。文思泉漱石，色照月明窗。樸橄

空樊渚，飄零遠漢江。此情誰與度，木介響琤琮。

狂遊失可人，萍聚我和君。千里共明月，幾山空白雲。擊鵬

飛墮毒，嚼雪冷冰齧。百歲無多子，離居困索羣。李性剛直同官目爲

李鵬

掩脛誠臺雪，吟頭祇自昂。梅花開嶺路，冰玉斲池塘。良馬日千里，美人天一方。尺書不可寄，道義兩相忘。

和賈簿

官冷君休歎，浮名陌路車。冰山逢燠泮，豆粥併寒除。但酌樽中酒，從堆架上書。未酬題柱志，終不羨相如。

忌日雪

荼毒惟何甚，同時失所天。哀傷遂此日，懷抱憶初年。白雪明心素，青松黯墓筵。不堪陳几席，罪罟欲誰冤。

大雪

江市彌旬雪人行失舊蹤梅藏香骨瘦冰結浪花重
門前柳昏迷郭外峰屋簷天漢在一雁沒清空

喜雨

麥穗雖乾耳秧苗未吐心正須雲潑墨生怕日流金
山堂潤風回竹逕陰稱人三四點爭道卽爲霖

春老寒雨醱醱竟爛

無定若遊絲神人薦玉衣飄搖思遠舉婀娜怯空歸
檀心重春寒酒力微牽腸無柳眼香絮雪花飛

讀史

閑是等閑非沈迷不自知黃梁一夜夢白雪數人詩
輸枯酒生前對局碁幾多亾國恨窓几靜楮頤

延陵感懷

延陵七春夢悲切意更微頗復天牛喘還多代馬依
紛混混今昨是非非況在遼東鶴千年方始歸

雪齋和智叔次諸郎曹韻二首

風洗朔雲靜愁瀾淚眼睛夜闌灰亦冷目眩室生明
遠鄉巷天公偏世情布衾寒潑水墜葉也心驚
同雲起飛絮忽作無意晴夢破客愁絕魂銷天夜明
悲壯節哀雁切鄉情夜靜羣動息空牀時自驚

元日

鳳麻回龍紀羲和御物新崎嶇萬里道牢落五年春
聞哀雁傷懷念昔人米鹽能幾許還自不由身

夢回二首

憶到梯雲巷哀傷鞞鄂叢舞鸞引鏡傷雁落空弓清夢
回時雨繁聲發夏蟲情鍾正吾輩匡坐泣薰風

梯雲走家坊名

吾宗鮮兄弟何事日飄零凋落皆鷓鴣相從謝鶴鴒世緣
那可了魂夢也非空屈指傷心事端如欲曙星

鄉思

達仕租千石虛名酒五經豈能千日醉未勝九年耕識取
杯中趣知從袋裏乘讀書無一事宦汨平生

寒食二首

異縣臨寒食爲情覺大難君蒿五精氣破散六祠壇墮淚
紛朝雨回腸減夜餐誰家簫鼓咽懽舞欲雙跚
五歲懷歸夢言歸已得歸未能逃俗索旋復著征衣子貢
當何戰燕人切自悲無堪一百五春雨作霏微

感事

狐死正正首鳶飛翰戾天乃知司馬晉不若慕容燕濟亂
須人傑投機赧世賢長江千古恨南北幾陳編

鷓鴣

谿賦滄江外雌雄萬里心浪花浮彩翠煙雨弄清音蓼岸
無端豔蓮塘底處尋鴛鴦誰著色知誤幾金針

讀邸報二首

大漠煙塵靜三公計畫奇定安唐廟貌行復漢官儀捷奏
騰千里除書滿四維自然禽頡利蚤晚贊無爲
世味刀頭蜜人情屋上烏榮華葉子格升黜選仙圖豺祭
知生獸蛇銜欲報珠不將魂夢到反是憶尊鱣

九月十日菊

不改天香細無端人意疏重陽把杯者今夕尙來與白羽
搖依舊黃裳咲反初知時自凡俗冷暖欲焉如

夜聞捷音

圓覺聲聞夜蒙頭大比正上功外莫府如用復東周行卽

昇平舊還從汗漫遊憑誰問進元濟莫擒不

悶成

春鳥弄輕微凝陰滿院飛蠶姑云力作杜宇不如歸世變
知音少人匹解語希汗顏多反仄濺淚溼單衣

春陰

讀王黃州
小畜集

春晝閣春愁無情若隱憂柔腸牽柳眼因淚點花頭不放
春風度從教暮雨休哀憐無限意小畜閱黃州

燈花

自得天然豔書窻氣吐虹有心惟燭物無種到施工不管
三春候平分兩曜功報人知喜事誰辨悉歸空

送鄭景望赴國子丞詩二首并序

序似夢

湖之江潭但漫乎而委長有山焉截乎江之口其潮也尾
闔盈而瀆瀑海水溢而羣飛回江之波倒流而反觸于山

其濤怒衝乎渾其波激委其至也遠其為心也濤崩騰洶

洶洞濤藏昂驟蹙而軒乍旋而入於盈淵谷前無高岸一

川轟立突如來如屹如銀山奔如陳馬轟如雷鼓激如搏

鵬子胥奮躍于壽頭文種昌揚其暗浪雖共工氏折不周

之柱左伯擘彈恆山之目拔山如項羽驅石若始皇未足

以擬其壯天河裂龍門發呂梁洩汾防決淮隄撤猶不得

形模其彷彿也操舟者逆而取之順而

然已無事矣濤之力也有既故吳兒可狎而

時故行人可厲而涉走嘗聞諸濱江之老叟曰

煩苛其涉有陷沙煩苛牙也蠓螿比也形如

多狎者遭焉則著身而不寘沙之雜也多淖

不實涉者俄而陷溺則僵為沙之君子者

其神乎憑乎虛舟凌乎巨浪逆了取之不害

方之

止故淮濤水次
不為

壑而

携持危涉險

成之其

為有

子鄭子一鄉
望其赴國

為時世用鄉人又將儀之夫國子清官子

者也既清且和利用安身而崇德矣其行

浙走期之以舟楫之利琢詩為贈且序陷

聞于父老者而冠諸篇端

風喜檣烏順知難喚酒杯好溪寒已半京洛
應回僧舍

方飄雪江籬欲放梅不須愁國步之子棟梁材

愜我論交晚何堪又索居朝陽鳴必鳳清水察無魚百惱

愁成斛疑載車石城亾可道贏得腹詩書

良齋先生薛常州浪語集卷第五



說所

溫州市圖書館

WENZHOU LIBRARY